

T272012/2915.2(3)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

CM 0 1 2 3 4 5 6 7 8 9 10 11 12 13 14 15 16 17

Lab D50 2°

95/0/2

81/0/0

66/0/0

51/0/1

35/0/0

20/0/0

29/19/54

55/39/33

42/51/29

82/4/79

51/50/13

50/28/29

38/14/16

66/16/18

50/-5/-22

43/-14/21

55/-9/-25

71/-32/0

62/34/60


40/9/-43

52/48/17

31/21/-21

72/-23/57

73/19/68



全書卷之四

仁宗皇帝

仁宗皇帝

仁宗皇帝

仁宗皇帝

仁宗皇帝

仁宗皇帝

仁宗皇帝

仁宗皇帝

仁宗皇帝

仁宗皇帝

明紀全載卷之五

仁宗昭皇帝

諱高熾成祖長子在位一年崩年四十八葬獻陵

乙巳洪熙元年春正月朔上御奉天殿朝羣臣設樂不作羣臣止行五拜三叩頭禮先是禮部呂震請於上曰陛下初登大寶天下文臣武臣及海外諸國皆來朝宜受賀作樂如大朝之儀大學士楊士奇楊榮金幼孜黃淮言不宜用樂有旨命禮部設樂不作次日召士奇等諭曰呂震每事誤朕昨從所請今悔何及賴卿等同心遂免此悔自今遇朕行有未當但盡意言之毋以不從爲慮因各賜銀幣○進通政使兼武英殿大學士黃淮爲少保戶部尚書兼職如舊楊士奇兼兵部尚書金幼孜兼禮部尚書俱三俸並支

甲辰十二月己進太子少傅

大學士楊榮兼工部尚書 ○建弘文閣於思善門之左作印章

命翰林院學士楊溥掌閣事。徵蘓州儒士陳繼為翰林院五經博士。學錄楊敬為翰林院編修訓導。何澄為禮科給事中。皆直弘文閣。上親舉印授。諭曰：朕用卿等，非止助益學問，亦欲廣知民事，為理道之助。卿等如有建白，即用此印封識以聞。

大祀天地於南郊，奉皇祖皇考配。○哈密進疏，黃上曰：從前不聞哈密產此，既有疏黃，製造火器，不患無人。猝遇寇邊，亦須有備。勅大同宣府總兵官知之。○上諭禮部尚書呂震曰：往年劉儁從征交趾，陷賊不屈而死，禮官不言。朕思婦人盡節於夫，尚有旌典，况大臣捐軀為國，可無褒卹。其贈儁太子少傅，謚節愍，復歎息謂震曰：忠臣之心，皆欲立功報國，不能成功，則惟守義。若身為大臣，阿順取容，為保祿固位之計，國亦何賴。

二月進襲封恭順伯吳克忠為恭順侯。封其弟都指揮吳克勤為

廣義伯。

按克忠父本元平章把都帖木兒，永樂中率眾歸附，賜姓名吳允誠。從征亦集乃，多所俘獲，累功封恭順伯。卒，贈於陣。追封恭順侯。其子克忠克勤並能以忠節自勵。克忠後以北征沒於陣。諡僖愍。論者謂吳允誠父子之効忠雖漢之金日磾，唐之齊瓘，何力無以加焉。

三月上聞前光祿寺署丞權謹孝行，曰：忠孝之人，可任輔導。驛名

至以為文華殿大學士。

謹徐州人，上又聞國子監學錄王讓孝行，擢為右贊善，讓益都人。官至吏部右侍郎。

○禁民之告誹謗者。

誹謗之刑始於洪武，至永樂時，陳瑛為都御史，踵而行之，姦人在害良善一里，此條身家

破滅，至仁宗除之。

趙王高燧之國彰德。○命榮昌伯方智率師討交趾黎利。○徙岷

王梗於武岡。○遣漢王高煦子瞻圻守鳳陽皇陵。

初瞻圻恨父殺其母，屢發父過

惡。文皇曰：爾父子何忍也。及文皇晏駕，瞻圻在北京，凡朝廷事潛遣人馳報一書，夜六七行。高煦日亦遣數十人入京師，潛伺幸有

變上固知之。顧益厚遇。倍加歲祿。賜資萬計。至是高煦悉上瞻圻前後規報朝中事。又曰。廷議旦夕發兵。取樂安。上名瞻圻示之曰。汝處父子兄弟間。讒構至此乎。穉子不足誅。發鳳陽守皇陵。

夏四月上聞淮徐山東民多乏食。召大學士楊士奇等草詔。免稅糧之半。士奇曰。此事可令戶部工部與聞。上曰。有司慮國用不足。必持不決之論。即令士奇就西閣樓書詔。上覽畢。命用璽。遣使齎行。顧士奇曰。卿今可語戶工二部。朕已悉免之矣。左右言地方千餘里。其間未必盡無收。宜有分別。庶不濫恩。上曰。恤民寧過厚。為天下主。乃與民寸寸計較邪。○上諭禮部曰。科舉之士。宜南北兼取。比累科所取北人。僅得什一。自今科場。南士取六分。北士取四分。其定議各布政司名數以聞。○命皇太子謁祭皇陵。孝陵留南京監國。○上自少侍太祖。明於星象。監國時。嘗以教楊士奇曰。宋

元儒者多曉習。不可忽也。是月十四日甲寅。蹇義夏原吉楊榮楊士奇奏事承天門。畢。上曰。夜來星象變。曾見否。對曰。未見。上曰。士奇當知之。士奇曰。臣愚昧。亦不能知。上曰。天命也。歎息而起。次日出二勅。二印賜蹇義楊士奇。蹇義忠貞印。楊士奇貞一印。皆拜受而退。○五月翰林侍讀李時勉抗言時政違節。上怒。命武士撲之。改監察御史。尋下獄。○上不豫。召蹇義楊士奇黃淮楊榮至思善門。命士奇書勅。遣中官海壽馳召皇太子於南京。是月十二日上疾大漸。遺詔傳位皇太子。遂崩。壽四十八。時皇太子未至。羣臣請鄭襄二王監國。

鄭曉曰。帝天稟純明。至性孝友。讒譖之言。未嘗與辨。二弟驕恣。曲意調護。或正色訓誡。在東宮清心寡慾。被服同儒素。專意愛民。既即位。盡行其志。每一詔下。萬姓歡呼。凡遇水旱。齋居露禱。郡縣饑。即遣賑恤。罷科市。已逋責。加官俸。優軍餉。約已裕民。

恒如不及。明於知人。任用不二。廷臣才行。高下瞭然。緩急器使。靡不曲當。寸長可用。威所不棄。苟犯名義。雖小必黜。未嘗以愛惡移是非。甲乙遷喜怒。嚴謹邊備。不勤遠畧。邊將陞辭。每戒曰。民力疲矣。慎無貪功。寇至塞。驅之而已。毋為首禍。違命獲功。吾所不賞也。屢勅法司。崇寬厚。戒深刻。然極惡賊吏。曰。國家恤民。必自去賊吏始。重學校。嚴薦舉。用人必求實材。授官必責實效。樂聞直言。多見褒答。間有拂逆。無幾悔悟。雅志學問。諸經皆通。於書尤習。卜筮不用。俗占必取正周易卦爻象象之辭。作臺禁中。時觀天文。日官諱避。輒見躬詰。苟有災氛。身自省咎。每事必問祖法。嘗錄太祖皇陵碑文。授諸子俾熟讀之。在儲位二十年。天下傾嚮。嗣位之後。弘施沛澤。號稱仁廟。不亦宜乎。陳建曰。仁廟履極未久。而所行皆仁政。改過不吝。從善若轉圜。其規模弘遠。事事可為後世法。求諸前代。商高宗。周成康之匹。漢文帝。宋仁宗。未足多也。惜享國太淺。民之無祿痛哉。

六月初三日。皇太子還自南京。宮中始發喪。是月十二日庚戌。皇太子即皇帝位。

秋七月。上大行皇帝諡曰。敬天體道。純誠至德。弘文欽武。章聖達

孝昭皇帝。廟號仁宗。尊母張氏為皇太后。立妃胡氏為皇后。都督

胡榮女也。榮。濟寧人。○定會試分南北中卷。以百名為率。南北各退五

名為中卷。初。仁宗定。每百人。南士取六分。北士取四分。北卷則直隸山東河南山西陝

西中卷則四川廣西雲南貴州及鳳陽廬州二府徐滁和三州。餘

皆南卷。○漢中府學訓導李蕃進端本十六策。上嘉納之。擢蕃為

兵科給事中。

八月。修太宗仁宗實錄。以英國公張輔尚書蹇義夏原吉為監修。楊上奇楊榮金幼孜為總裁。

九月壬寅。葬獻陵。○冬十月。命鎮朔大將軍陽武侯薛祿巡開平

宣大。平江伯陳瑄鎮守淮安。兼督漕運。○十二月。瓦剌馬哈木立

脫脫不花為可汗。

宣宗章皇帝。諱瞻基。仁宗太子。在位十一年。崩。年三十七。葬景陵。

丙午宣德元年春正月。遣使齋勅命瓦剌賢義王子里烈忽襲王爵。祭哈密忠順王免力帖木兒命其姪十答失里嗣封忠順王。二月。禮部進耕籍田儀注。上觀之。謂侍臣曰。先王制籍田以奉粢盛。以率天下務農。天子公卿躬秉耒耜。所貴有實心耳。為人君者。誠念創業艱難。愛恤蒼生。使明德至治。達於神明。則黍稷之薦。不待親耕矣。農夫勤苦終歲。猶不免於饑寒。國家誠輕徭薄賦。貴農重穀。禁止游食。則人咸樂於耕稼。不待勸率矣。不然。三推五推。何益於事。

夏四月。呂震卒。以胡濙為禮部尚書。○命成山侯王通充總兵官。都督馬瑛充參將。往交趾。征勦叛寇。撫安軍民。削陳智方政官爵。以二人討黎利。喪師於茶籠也。○上御文華殿。塞義夏原古楊士奇楊榮侍。上曰。

祖訓有云。後世子孫恃中國富彊。無故興兵。切記不可。後因黎氏弑主虐民。太宗不得已。有弔伐之師。初意平賊之後。求前王子孫立之。而前王子孫為黎賊殺戮已盡。乃徇土人之請。建郡縣。置官守。非出太宗本心。自是以來。交趾無歲不用兵。一方生靈荼毒已多。中國之人疲於奔命。欲如洪武中及永樂初。使自為一國。歲奉常貢。如何。義原吉對曰。文皇帝二十年勤勞。一旦棄之。豈不上損威望。士奇榮曰。交趾於唐虞三代。皆在荒服外。漢唐以來。雖嘗為郡縣。叛服不常。喪師費財。不可殫述。漢元帝罷珠厓。前史稱之上曰。朕素志如此。本不係用兵之如何也。

五月。以戶部左侍郎陳山為戶部尚書。兼謹身殿大學士。禮部左侍郎張瑛兼華蓋殿大學士。並入內閣。預機務。○六月。停景陵石

室華表享殿工程著爲令。從楊榮之請也。○上諭戶部尚書夏原吉曰。近年有司不體人情。苟有饑荒。必須申報。展轉勘實。賑濟失時。民多饑死。河南新安縣知縣陶鎔。先給後聞。能稱任使。毋拘文法。責其專擅。○命減蘓杭織造之半。

秋八月。漢王高煦反。移檄遠近。以輔臣蹇義夏原吉姦邪亂政爲辭。遣人密約英國公張輔爲內應。輔卽縛其人白於上。楊榮首勸上親征。原吉曰。兵事貴速。宜捲甲帶戈而往。一鼓可平。張輔請自効。上曰。卿誠足辦此事。顧朕新卽位。小人或懷二心。行決矣。於是勅平江伯陳瑄防守淮安。勿令南走。指揮芮勛守居庸。勿令北入。胡定國公徐景昌彭城伯張昶守皇城。安鄉伯張安廣寧伯劉瑞汴城伯張榮建平伯高遠輔鄭王瞻埈襄王瞻埈留守北京。蹇義

楊士奇夏原吉楊榮楊溥吳中胡濙張本顧佐扈從豐城伯李賢侍郎郭璉督軍餉。陽武侯薛祿爲先鋒。是月辛巳。車駕發京師。率大營五軍將士以行。遣書諭高煦曰。張敖失國。本之貫高淮南受誅。成於伍。被自古。小人事藩國。率因之以自圖富貴。而陷其主於不義。及事不成。則反噬主以圖苟免。今朕師已壓境。王能悔禍。擒所倡謀者來獻。朕與王削除前過。恩禮始終。王如執迷。或出兵拒敵。或嬰城固守。圖僥倖於萬一。當以大軍乘之。必成擒矣。又或麾下以王來獻。王何面目見朕。雖欲保全。不可得也。車駕至樂安。諸將請攻城。上不許。復勅諭之。皆不答。城中人多欲執獻高煦者。煦盡焚兵器及交通逆謀書。潛從間道出。官軍執之以獻。羣臣請誅之。不許。繫其父子以歸。車駕至單橋。戶部尚書陳山迎駕。請移兵

彰德襲執趙王。蹇義夏原吉請從之。楊榮謂宜先勅趙王。詰其與高煦連謀之罪。而六師掩至。可擒也。上命榮傳旨。令楊士奇草勅。士奇不可。曰。事須有實。勅旨以何爲辭。榮厲聲曰。使錦衣衛責所繫漢府人狀。云與趙連謀。何患無辭。士奇曰。錦衣衛責狀。何以服人心。太宗皇帝惟三子。今上親叔二人。一人有罪者。不可恕。其無罪者。當厚待之。有疑則嚴防之。庶幾仰慰皇祖在天之靈矣。是時惟楊溥意與士奇合。上遂不復言。移兵至京。召問士奇曰。言者論趙王益多如何。對曰。今日宗室。惟趙王最親。當思保全之。毋惑羣言。上曰。吾今惟一叔。奈何不愛。當思所以保全之道。乃封羣臣章。奏遣駙馬都尉廣平侯袁容。都御史劉觀齋。以示之。士奇曰。更得重書親諭之。尤善。上從之。容等至彰德。趙王大喜曰。吾更生矣。卽

獻護衛。上表謝恩。而言者始息。由是上待趙王日益親厚。而薄陳山。召士奇至南齋宮。謂之曰。使朕不失親親之禮。卿之力也。尋改樂安州爲武定州。是役也。誅僞都督王斌。僞兵部尚書朱烜等。六百四十餘人。戍邊者一千五百餘人。口外爲民者七百二十七人。脅從罔治。高煦至京。廢爲庶人。繫大內逍遙城。一日。上欲往觀。左右力止。不聽。及至。熟視久之。庶人出。不意伸一足。勾上仆地。左右卽扶起。上大怒。命舁銅缸覆之。庶人有力。負缸起。積炭缸上。燃炭。踰時。火熾。銅鎔而死。

成山侯王通率師討黎利。至石室縣沙河。兵部尚書陳洽謂宜駐師。以覘賊勢。通欲渡河而陣。洽反覆諭以利害。且陳方畧。通不知。麾兵渡河。洽不能止。次寧橋。與賊遇。力戰。互有勝負。洽奮馬突入。

賊陣欲擒其首惡。身被創甚。遁懼師怯。洽遂遇害。事聞。贈少保。諡

節愍。官其子樞為給事中。○少保大學士黃淮有疾。疏乞骸骨。不

允。令歸田養疾。疾愈。仍來供職。時淮父信年九十。猶無恙。膺封爵。與子同當世榮之。淮亦優游林下。

二十餘年。至正統末方卒。○交趾平州知州何忠為黎利所執。死之。賊圍鎮城。

藩帥以忠有方畧。使懷奏。潛請王師。忠夜出城走二百餘里。為伏

兵所執。諸賊喜曰。何知州聞名久矣。共舉酒酌忠曰。能從我同享

富貴。忠唾地大罵。奪杯擲中賊。面流血盈頰。遂遇害。事聞。上痛惜

之。勅旌其門。賜諡忠節。忠。州人。

釋翰林侍讀李時勉之囚。復其官。○以張本為兵部尚書。陳祥于

謙為監察御史。

冬十二月。召黃福於南京。命掌交趾布按二司事。

丁未二年春二月。會試。取趙鼎等一百人。○進張瑛禮部尚書。○

三月。廷試。賜馬愉。杜寧。謝璉等進士。及第。出身有差。○命定遠侯

柳升率師征黎利。兵部尚書李慶參贊軍務。慶舉郎中史安主事。

陳鏞等偕行。○廣西猺獍數叛。命都督僉事山雲充總兵官。佩征

蠻將軍印。鎮守廣西。按水東日記。山雲姿貌奇偉。善騎射。曉兵畧。而廉正罕比。其馭上官。一以威信。刻期徵調。

無敢違者。廣西帥府老吏鄭牢性鯁直。敢言。公問之曰。世謂為將。不思貪。廣西素尚貨利。我亦可貪否。牢曰。公初到。如一新潔白袍。

一沾汗點墨。終不可湔洗也。公又曰。人言土彝饋送之物。苟不納。彼必疑且忿。奈何。牢曰。居官贖貨。則朝廷有重法。乃不畏朝廷。反

畏蠻。子邪。公笑而頷之。鎮廣西十餘年。廉潔之操。終始不渝。雖不由鄭牢之言。而牢亦可尚云。

夏六月。和寧王阿魯台瓦喇順寧王脫歡朝貢。

秋七月。黎利攻隘。留關鎮遠侯顧興祖擁兵南寧。不赴救。城陷。逮

興祖下獄。○冬十月。安遠侯柳升兵敗。死於交趾。先是。升至隘。留

月已全載。明宣宗卷之五

關黎利遣人詣軍門上書乞罷兵息民立陳氏後升卽奏聞時賊多於官軍所經處列柵拒守升連破之直抵鎮彝關如入無人之境頗有矜色史安陳鏞言於李慶曰主將之志驕矣彝情詭詐不可以屢敗忽也安知其不示弱以誘我况勅書數次戒飭謂賊專以設伏取勝不宜輕率待之公宜速入言之時慶病甚與升言升唯唯而已實無戒懼意遂率百騎前進至倒馬坡先馳渡橋副將崔聚尚書李慶等皆在後升旣渡橋橋遽壞後軍不得進升中鏢而死從升者皆陷沒次日李慶病卒崔聚率官軍進至昌江遇賊奮力死戰賊驅象鬪衆亂聚被執副將梁銘郎中史安主事陳鏞李宗昉等皆死之官軍或死或奔散竟無一人降者

黃福自交趾還先是中官馬騏激變交趾陳洽繼福掌布按二司

事田宗奏乞還福舊任上從之命福與柳升偕行升旣敗福爲賊所得皆下馬羅拜曰我父母也公向不北歸我曹不至此言已皆泣福斥之諭以順逆之理賊終不忍加害其酋長餽以餼糧乘以肩輿各贈金帛送出境至龍州福悉以賊所獻歸之官

朱琦曰按福以上部尚書鎮交趾者十八年仁宗念其久勞於外召還交人扶老携幼號泣送之如失父母蓋福在交則人心固結而不可解福去而人心離矣此黎利一呼叛亂立至也至是復遣往事已無及惟乘以身輿送出境而已乃知黃尚書經畫久遠無字勤勞開誠布公感孚異俗雖汾陽王之於回紇又何以加焉

成山侯王通與黎利約和許爲請於朝立陳氏後遂棄交州城引師還○黎利陷諒江府知府劉子輔死之輔廬陵人以廣東按察使左遷諒江士民愛戴之賊至皆爲效死及城破軍民皆立鬪盡無一人降者子輔自殺一子一妾先輔死事聞贈叅政賜祭復其

家。中官裴可力督事浙江。誣奏按察使林碩誹謗沮格詔旨。上遣人逮碩。至親問之曰。爾勿怖。但盡實對。碩言臣往年為御史。嘗巡按浙江。小人多不便臣。今陞按察使。至浙未久。中官在彼者。亦無乖忤。惟舊不便臣者。設謀造詐。欲去臣以自便耳。時有湯千戶賄結中官。怙勢漁獵。恐為碩所誅。裴亦懼碩。故誣奏之。上曰。朕固未信。逮汝面問。今既明白。即馳驛還任。汝無他慮。遂降勅。切責裴可力曰。歸必不貸也。碩初被逮。眾皆危之一見。遽釋中外。頌聖德焉。

按永樂中。錦衣衛指揮紀綱。使千戶往浙江緝事。作威受賂。按察使周新推治之。綱言於文皇。逮至新方當陞陳。新文皇遽命殺之。天下稱冤。宣宗虛公親鞫。諭令勿怖。導使盡言。既還。原任。又切責誣奏之人。其分別是非邪正。如青天白日。了無障礙。度量相越。為何如哉。

王通遣指揮關忠同黎利所遣人奉表至。表曰。安南國先臣陳日

燈三世嫡孫臣陳暲。惶恐頓首上言。曩被賊臣黎季犛父子篡國。弑戮臣族殆盡。臣暲奔竄老撾。今二十年。近者國人聞臣尚在。偏臣還國。眾云。天兵初平黎賊。即有詔旨。訪求陳氏子孫立之。一時訪求未得。乃建郡縣。今皆欲臣陳情請命。臣仰恃天地生成大恩。奉表上請。上覽之。示英國公張輔。輔曰。此表出黎利之誦。當益發兵討此賊耳。尚書蹇義。夏原吉。皆言不宜隳成功。示賊以弱。大學士楊士奇。楊榮。言兵興以來。天下無寧歲。今瘡痍未起。又復發兵。臣不忍聞。且求立陳氏後者。太宗皇帝之初心也。求之不得。乃郡縣其地。今因其請而與之。以息吾民於計大。便。上曰。卿二人言是。次日出。高表示諭文武羣臣曰。論者不達止戈之意。必謂從之不武。但得民安。朕何恤人言。羣臣皆頓首稱善。於是命禮部侍郎李

琦工部侍郎羅汝敬等齋詔冊封陳暲為安南國王勅王通等班

師。冬十一月皇子祈鎮生。孫貴妃所生也。○以薛瑄為監察御史。瑄山西河

津人幼穎悟喜作詩賦及長讀周程張朱書歎曰此道學正脈也遂棄詩賦專心於是舉鄉試第一登進士歷官禮部侍郎兼內閣

學士卒為理學名儒

戊申三年春二月立皇長子祈鎮為皇太子。○冊貴妃孫氏為皇

后。賜皇后胡氏號靜慈仙師退居別宮。以后稱疾懇請就閑皇太后念其賢

甚憐之嘗召入清寧宮每燕會必命居孫后之右。

夏閏四月贈邱安南死事文武諸臣。○五月李琦羅汝敬還黎利

表稱陳暲卒乞守國俟命復諭利訪求陳氏後。

秋八月皇子祈鈺生。是為○上以秋高馬肥欲親歷邊關整飭武

備。是月辛亥車駕至石門驛聞報兀良哈率萬騎入塞諸將請徵

兵上曰從此出喜峰口路隘險單騎乃可行若候諸將並進恐失

事機令軍士捲甲疾馳至寬河距敵營二十里敵望見以為戍兵

悉眾來戰上麾鐵騎為兩翼夾擊之上親射其前鋒三人皆殪之

飛矢如雨神機銃砲疊發敵軍人馬死者大半餘悉潰走上以數

百騎直前敵望見黃龍旗知上親征悉下馬羅拜請降皆生縛之

分命將士搜山谷捕其潰散之黨忠勇王金忠都督把台請自効

俘獲人馬而歸上大喜拊其背飲以酒并金爵賜之。○九月車駕

至京師謁告太廟朝皇太后置酒上壽。

加大學士楊榮少傅忠勇王金忠太保以榮扈從出喜峰口忠奮

前斬馘功多也。

冬十月以通政使顧佐為右都御史下左都御史劉觀獄謫居遼

東先是上名楊士奇楊榮問之曰京師端本澄源之地年來貪濁之風滿朝誰最甚者榮對曰莫甚於劉觀上問廷臣中有誰可使掌風憲者士奇對曰通政使顧佐廉明有威曾任御史及按察使皆有丰采榮曰亦嘗為京尹能防禁下吏政清弊革上曰顧佐乃能如此數日命觀巡閱河道陞佐右都御史勅令考黜不肖佐奏其屬不肖者二十餘人於是御史連章劾奏觀贓貪狼藉并其子輔脇制騁私逮觀父子下獄議罪當死特宥之發輔戍遼東而令觀隨往○十一月城獨石遂棄開平

已酉四年春二月襄城伯李隆獻騶虞一云出滁州來安縣石固山素質黑文馴狎不驚上命羣臣觀之羣臣請表賀不許夏五月初設鈔關○秋九月有囚告都御史顧佐累累枉人重罪

礫側格切音
窄裂也

不聽訴理上曰此必有重囚教之者小人排陷正人不可不究治命法司鞠之實千戶臧清殺一家無罪三人當死代寫狀教之誣告上命礫清於市

庚戌五年春正月少保戶部尚書夏原吉卒贈太師諡忠靖原吉天性

和平靡德不報靡怨不釋經書財賦以節用愛人為先酌大體畧煩苛雖數典大役餉給而民不擾惻愍無華咸稱長者呂震常在上前短吉柔姦震為子求官上問吉吉言震有守城功靖難時陳瑄欲殺吉吉力薦瑄才俾總漕運周忱為長史或薦為部守吉言此不足展其才忱得陞侍郎出為巡撫嘗有從隸汚所服織金賜衣隱欲逃吉曰汚可浣何懼為吏壞所寶古鏡匿不敢見吉名吏論曰物皆有壞吾未嘗惜此慰遣之在部吏捧精微文書押之因風為墨所汚吏懼肉袒以俟吉曰汝何與焉明日袖至上前自咎不謹被汗上命易之於時卿大夫雅量推原吉第一嘗夜閱文卷無凡太息其夫人問之吉曰此歲終大辟奏也吾筆一下死生決矣吉嘗治水東南吳人尸視之是時蹇夏齊名蹇簡重善謀夏弘裕善斷永樂以來外兼臺省內參館閣吁俞河否期於共濟二十古大臣之風焉

二月會試。以侍讀學士李時勉。侍講錢習禮。充考試官。取陳詔等一百人。○三月廷試。賜林震。龔錡。林文等進士。及第出身有差。○改江南民運為兌運。○上坐南齋宮。召楊士奇。諭曰。吾欲行寬恤之政。然吾未能悉知。免災傷稅糧。當是首事。民間虧欠孳生馬驢。驟所司追償甚迫。民計無所出。部官坐視而不言。今所當寬恤者。非止此兩事。卿其具言之。士奇言。百姓積年負欠薪芻。及採買之物。當寬貸。蘇州重糧。宜速減除。採辦物料。部派出產之處。不許一槩均派。苦民在京工匠。不許私役。分豁一半回家。上歎曰。朝廷用六部。但知苛責下民。有忝厚祿矣。卿所陳有益於朕。有益於民。卽草勅頒行。○增置秀水。嘉善。桐鄉。平湖四縣。俱屬嘉興府。秋七月。加賜武侯薛祿太保。尋卒。追封鄞國公。諡忠武。

八月。以監察御史于謙為兵部右侍郎。巡撫河南山西。以越府長

史周忱為工部右侍郎。巡撫南直隸督理糧運。于謙浙江錢塘人。登永樂辛丑科進

士。授御史。從征高煦。罪人既得。上命謙數其不軌之罪。辭嚴義正。矢口而成。大稱上旨。至是河南山西兩省各奏災傷。廷議命大臣

經理。上親署謙名。起擢之。時年三十二。各省設巡撫。始此。○周忱江西吉水人。為人謙恭。似不能言者。而謀慮深長。一切故弊。皆虛

心訪問。善採衆長。吳人誦之。以兵部職方司郎中柴車為兵部左侍郎。車。錢塘人。舉於

鄉。授兵部主事。遷員外郎。以清慎得名。時傳言湘藩將有變。以禮

詔。以車知岳州。三歲郡大治。名為職方郎中。擢兵部侍郎。以禮

部郎中。况鍾為蘇州知府。鍾。江西靖安人。始為吏胥。事禮部尚書

至是大臣奏蘇州等九大郡繁劇難治。棟選鍾等九人為知府。賜

璽書。假便宜行事。馳驛赴任。鍾至一月。命具香案。呼禮生僚屬。以

下皆集。鍾言。今日宣勅。既宣。中有僚屬不法。徑自拿問之。語諸吏

大驚。禮畢。立殺姦胥七人。肆諸市。呼父老言。若等速以善戶惡戶

府知府皆有異。○安南黎利篡陳暲而自立。遣使來貢。謝罪請封。績稱名臣云。廷臣議討之。上不許。

冬十月。車駕巡邊。至雷家站。召楊士奇。楊榮。金幼孜。楊溥。問曰。昔

唐太宗過此。非征遼時乎。衆對曰。然。上曰。太宗恃其英武。而勤遠

畧。此行所喪不少。帝王之鑒戒也。又問此山崩於順帝時。人謂元

亡之徵。卿等以為何如。衆對曰。順帝自是亡國之主。雖山不崩。國

亦亡。上曰。然。古聖帝明王之世。未嘗無災異。大抵國之存亡。在君

德之仁與不仁而已。是月戊子。車駕回京。

十二月二十夜。含譽星見。十九旂。大如彈丸。色黃白。光耀有彗。羣

臣表賀。○浙江巡撫成均。築捍海隄。○山雲討平慶遠蠻。

辛亥六年春二月。令北直地方。比照洪武年間山東河南事例。民

旂于求切音
由旌旂之末垂
者

開新墾田。不論多寡。永不起科。先是洪武二十八年。以山東河南

人民供給繁勞。除已入額田地。照舊征科外。新開荒地。永不起科。

有力者儘地墾種。今北直八府。供給尤多。繁勞尤甚。准照例行。○

逮巡按江西御史陳祚下獄。籍其家。以祚奏疏中含譏諷也。

璘按帝王之學。與儒生異。經濟之學。與章句異。宣宗天姿純粹。博通典籍。其論列古今。成敗得失之數。洞若觀火。而以片言折衷之。無不確當。如陳祚所稱大學衍義。能探聖賢精微之蘊者。何以加焉。祚固李時勉。林長楸。戴綸一流人也。宣宗不能容致。開後人指摘之端。曷若無隙可乘。為尤善乎。

夏六月。遣禮部右侍郎章敞。通政使徐琦。齎詔。命安南頭目黎利

權署安南國事。

秋八月。太保忠勇王金忠卒。

忠初名也。先於永樂二十一年。率妻

巡邊。至會川。勦寇有功。卒賜祭葬。

冬十二月大學士金幼孜卒。贈少保。謚文靖。

壬子七年春正月朔日食。免朝賀。○少詹事曾棨卒。贈禮部侍郎。

謚襄敏。○下詔求賢。出御製擬倚蘭操。及四言招隱詩。以賜諸大

臣。操曰。蘭生幽谷。今曄曄其芳。賢人在野。今其道則光。嗟蘭之茂。與衆草為伍。嗚呼。賢人兮。汝其予輔。詩曰。天之生賢。道蘊厥身。幼學壯行。致君澤民。伊傳孔子。孟皆古君子。孜孜行道。未嘗忘世。秦漢之衰。以退為賢。絕類離倫。豈非違天。嗟哉。若人。於身奚補。區區

百年。草木同腐。予嗣祖宗。統臨萬邦。求賢圖治。宵旰皇皇。材羣皆來。布列在位。道行身尊。百世之貴。緬彼山林。豈無遐遺。往而不來。悠悠我思。枕石漱流。遠引高蹈。雖逸其身。而情於道。卷阿之詩。梧桐鳳凰。爾其幡然。予將爾揚。

夏六月。命脩各州縣廣濟倉。

秋八月。上出尚書黃福。贊理漕運。楊士奇曰。福才德兼備。諸卿所

不及。今年七十矣。諸後進少年。高坐公堂。理政事。享佚樂。輿馬騶

從。揚揚得意。福四朝舊人。乃朝暮奔走道路。勞瘁不已。殆非國家

所以優老敬賢之道也。上曰。非卿不聞此言。吾嘗欲得一老成忠

直之人。處之南京根本之地。緩急可倚。今以命福。豈不誠當。士奇

對曰。福必不負陛下任使。上即命吏部改福為南京戶部尚書中

外聞者皆悅。

九月。蘇州知府况鍾請疏濬蘓松嘉湖水道。上命巡撫周忱與鍾

計工程多寡。難易以聞。○冬十月。八百大甸。白葛達國。方天國。默

德那國。各遣使朝貢。

癸丑八年春正月。勅南京守備巡撫總督各衛所屯田。毋令姦人

侵擾。○二月。會試。以少保大學士黃淮。少詹事王直。充考試官。取

劉楷等一百人。三月。廷試。賜曹鼐。趙恢。鍾復等進士。及第出身。有

差。鼐。真定晉寧人。以舉人授曹州學正。辭改泰和縣典史。中會試。第二。名。廷試策問。義禹。河洛象數。鼐對稱旨。上親擢第一。

明宣宗卷之五

明宣宗卷之五

明宣宗卷之五

明宣宗卷之五

黃淮辭歸上餞之西苑太液池親灑宸翰製詩送之詩曰天香

花五彩開鳳池蓬萊之山直奎壁近侍九重天咫尺永樂聖人臨御初勅躬躬稽首陳嘉謨仁皇監國文華殿左右謀猷共羣彥承

大寶君萬方相與共理資賢良傾心寫情任舊老而卿引疾先還鄉五歷星霜復相見霜鬢蕭蕭秋滿面是時朝旭光升紫殿明相

對清言良慰情留之累月未盡意歸心又欲東南征太液清冷涵碧藻楊柳芙蓉相映好亮鷺鸕鶿弄晴波紫霧紅雲拂瓊島芳

在俎酒在壺工歌鹿鳴續白駒君臣大義士所重心雖延闕身江湖鳴岩峰高攀不及中有謝公舊游跡采芝鬪苓可長年應在天

南憶天北。按淮父性年九十餘淮致仕歸備極孝養性卒宣宗賜一品禮祭葬服闋謝恩至京留充會試主考延試畢辭歸上宴

之禁苑賦詩贈行一時恩禮之隆亦可想見太平之象矣

秋八月戊午景星見○南番遣使獻麒麟者凡四國○南直隸巡撫周忱奏定濟農倉之法

忱與况鍾經畫得米六十萬石貯倉松常二郡次之於中下二等農戶耕種之時每戶給米二石秋成照數還官遇水旱令各郡大發濟農倉米以賑貸而民不饑運輸有欠或失風者俱在此項借給

冬十月平江伯陳瑄卒諡恭襄瑄開漕渠而罷海運至今賴之瑄

州合○十一月賜朝鮮國王李禔五經四書大全

甲寅九年春正月瓦剌脫歡攻殺阿魯台立元之後脫脫不花為主哈喇噶等部皆應之○命商民納米塞下中鹽

三月戊寅百官朝太子於文華殿○安南黎利死其子麟遣人告喪尋遣侍郎章敞諭黎麟權署安南國事

秋九月車駕巡邊至洗馬林而還○山西霍州學正曹端卒於官

端字正夫河南澠池人篤尚理學教人務躬行實踐所著有四書詳說太極圖通書西銘釋文孝經述解性理文集儒家宗統存疑錄夜行燭等書學者稱月川先生按陳建曰曹月川學行猶在吳康齋之右楊方震理學錄載康齋而遺月川豈薄其為教官邪

冬十二月瓦剌順寧王脫歡遣使臣昂克等朝貢陸辭上賜勅諭

脫歡曰王克紹爾先王之志遣人來朝進馬具見勤誠聞殺阿魯

台尤見王之克復世仇所云已得玉璽欲獻已悉王意然觀前代

月已全載

明宣宗卷之五

天

傳世之久歷年之多皆不繫此王既得之可自留用

璘按明太祖以三事未了屢遣將臣率數十萬之衆遠出沙漠討殘元其實止有一事以未得傳國璽為耻耳自脫古思被弒於也速迭兒之地子孫微弱阿魯台以疆臣擅國其得璽無疑矣脫歡殺阿魯台得璽不即獻乃聲言欲獻未必不挾重器以徵重賞且令朝廷固求之如秦以十五城易趙璧也

宣宗曰王既得之可自留用大哉王言度越千古矣

乙卯十年春正月癸酉朔上不豫百官朝皇太子於文華殿甲戌

年九歲

上崩初十日壬午皇太子即皇帝位

少師吏部尚書蹇義卒贈太師諡忠定

上太行皇帝諡曰憲天崇道英明神聖欽文昭武寬仁純孝章皇

帝廟號宣宗○尊皇太后張氏為太皇太后皇后孫氏為皇太后

封弟祁鈺為郟王○命禮部尚書兼翰林院學士楊溥復入閣叅

預機務○釋前鬱林州知州林長楸前監察御史陳祚之囚復其

官○楊士奇等疏請皇陵畢日早開經筵以廣聖學宜謹擇儒臣

及左右侍御之人其學術不正立心行已頗僻者亟宜屏退不使

上惑聰明社稷生民實關於此

璘按英宗在東宮時年雖幼其喜愛王振之心已固結而不可解矣三楊首請謹擇左右侍御之人誠防微杜漸燭於機先也

夏六月戊申葬景陵○命南京戶部尚書黃福總督叅預軍務

秋八月命平羌將軍寧陽侯陳懋鎮守甘肅

九月修宣宗實錄○擢兵部郎中徐晞為兵部右侍郎巡撫甘肅

晞常州江陰人為縣吏三考皆兵房以尚書夏原吉薦為兵部主事在部時有同官見胥吏輒罵意在晞晞不為恨後主事沒親故

無可倚者。歸為具歛送之歸。歸時持心平恕。○以太監王振掌司禮
才猷練達。官至兵部尚書。為當代名臣。○以黃宗載為南京吏部尚書。羅亨信
監事。閱武於將臺。土木之禍始此。○為僉都御史。練兵平涼。

明紀全載卷之五

終

明紀全載卷之六

英宗睿皇帝

諱祁鎮。宣宗第一子。正統十四年北狩。景泰元年還居南宮。天順元年復辟。八年崩。年三十八。共在位二十二年。葬裕陵。

丙辰正統元年春正月。開經筵。大學士楊士奇。楊榮。楊溥。知經筵

事。○二月會試。以少詹事王直。侍講學士陳循。充考試官。取劉定

之等一百人。○三月廷試。賜周旋。陳文。劉定之等。進士及第。出身

有差。○命蘇松嘉湖等府官田。准民田起科。每畝秋糧四斗一升

以上。至一石者。減作二斗七升。二斗七升以上。至四斗者。減作二

斗一升。一斗以上。至二斗者。減作一斗。蘇州一府。減秋糧八十餘

萬石。從巡撫周忱知府况鍾之言也。他府所減有差。

夏四月。始設提學。南北兩京。御史各一員。各省副使。或僉事一員。

專勅責成提督學政。不許撫按侵越。○冬十二月命兵部尚書王驥巡視陝西。整飭邊務。便宜行事。

丁巳二年春正月。太皇太后御便殿。召英國公張輔。大學士楊士奇。楊榮。楊溥。尚書胡濙入朝。上東立。輔等西下立。太后顧謂上曰。此五人先朝所簡。以貽皇帝。凡有行必與之計。非五人所贊成者。則不可行也。上受命。頃之。宣王振至。太后顏色頓異。曰。汝侍皇帝起居。多不法。今賜汝死。上跪為之請。諸大臣皆跪。太后曰。皇帝年幼。豈知此輩。自古誤人國家多矣。我且聽皇帝暨諸臣留振。今後不得再令干預國事。初宣宗崩。太皇太后將宮中一切玩好之物。不急之務。悉皆罷去。禁中官預政。政歸臺閣。上初即位。詔凡朝廷大事。必白於太皇太后。然後行。太皇太后令付閣下議決。每數日。

命中官至閣問。連日曾有何事商榷。即以帖開某日。中官某以幾事來議。如何施行。太后乃以帖所開驗之。或王振曰。斷不付閣下議者。必召振責之。由是正統數年間。政治清明。天下休息。皆太皇太后之力也。

辨按太皇太后張氏。却臨朝聽政之請。而守祖宗成法。專任輔臣。於是首開經筵。以端其本。罷玩好。以防其漸。復深察王振之姦。召集內庭。嚴辭厲色。不許干預政事。蓋有以窺英宗之微。欲其慎終於始也。厥後南宮復辟。卒能誅曹石之黨。而任用李賢。何莫非貽謀所致歟。

二月進宋儒胡安國。蔡沉。真德秀。從祀孔子廟庭。○王驥巡邊。至

甘肅。大集兵於轅門。問曩大軍遇敵於魚海。而先退者為誰。咸曰。

都指揮安敬。命引出斬之。三軍股慄。驥受命戮敬。而故秘之也。因簡閱戍兵。謹

烽候。嚴部伍。利器械。軍容肅然。阿台朶兒只伯知邊防有備。乃遣

知院阿魯等納款於朝。驥以甘州官軍冗費，乃選留二萬五千人。餘還本衛，更番代之。於是兵得休息，民減轉輸之勞。

秋九月，召温州府知府何文淵為刑部右侍郎，詔方面郡守缺員，仍遵宣德間事例。在京三品以上官保舉所舉之人，後有犯贓舉主坐罪。從楊士奇等議也。

賜贊理陝西軍務兵部左侍郎柴車，食二品俸。仍賜白金文綺車，盡心邊務，上深嘉之。

戊午三年夏四月，宣宗實錄成，進楊士奇、楊榮、少師、楊溥、少保，餘進秩有差。○冬十月，召王驥還，論功驥以尚書兼大理寺卿，柴車加兵部尚書，仍贊理陝西軍務，封都督。蔣貴定西伯，任禮寧、遠伯。

趙會昌伯。○雲南麓川宣慰司思任發叛，侵掠騰衝、南甸等處。

遣主事楊寧往諭，不聽。

己未四年春二月，會試以禮部侍郎兼翰林院學士王直、學士蘭

從善充考試官，取楊鼎等一百人。○三月，廷試，賜施棨、楊鼎、倪謙

等進士及第，出身有差。○加蘇州府知府况鍾、吉安府知府陳本

深，秩正三品，仍知府事。鍾考滿當代軍民，請闕留者數萬人，詔陞職留任，在郡十三年，卒於官。○本深，浙江

寧波人，在郡十八年，以老疾致仕，二郡之民至今歌思焉。

夏四月，倭寇浙東，朝命重帥守要地，增城堡，謹斥堠，以備之。

五月，黔國公沐晟奉命討思任發，都督方政違晟節制，渡江陷沒。

上遣使責狀，晟曰：吾主將失律喪師，罪當死，飲藥而卒。

冬十月，廢遼王貴烺為庶人，坐滅天理亂人倫也。○十一月，追封

故廣西總兵官都督同知山雲為懷遠伯，謚襄毅。雲鎮廣西十餘年，廉明仁勇，繼

始胡夾切
音洽

其後者皆
莫能及。○十二月。徙封荆王於蘄州。

庚申五年春正月。參贊南京機務。少保戶部尚書黃福卒。成化中。贈太保。

諡思。○令天下有司。於秋成時。脩築圩岸。疏濬陂塘。以便農作。仍

具數申報。俟考滿黜陟。○名南京守備襄城伯李隆提督京營。

夏四月。少師大學士楊榮還鄉省墓。事畢還京。卒於杭州。計聞。贈

左柱國大師。諡文敏。○命侍讀學士苗衷馬愉。侍講曹鼐並入內

閣。參與機務。

擢松江府學教授孫鼎為南直隸提學御史。鼎以秩滿授是職。中

外皆稱得師。

辛酉六年春正月。命定西伯蔣貴。總兵征麓川。太監吉祥監軍。兵

部尚書王驥提督軍務。

夏六月。陳智免。以王文為右都御史。

冬十一月。奉天華蓋謹身三殿。乾清坤寧二宮。成。上御奉天殿朝

羣臣。大赦天下。定都北京。

右副都御史吳訥。乞致仕。許之。

訥。蘇州常熟人。為醫生。仁宗監國。聞其賢。命教功臣子弟。尋授監察

御史。歷陞副

都御史。致仕。○蔣貴王驥征麓川。進至金齒。分兵為二道夾攻。上

江。因風縱火。焚其營壘。斬首五萬餘級。賊敗走保險。官軍深入。破

連環七砦於沙木籠山。又破象陣於馬鞍山之陰。賊死傷者十餘

萬。思任發遁走緬甸。王驥移兵討韋郎羅。韋郎羅者。偽廣新王維

摩賊也。聞王尚書大兵且至。賊黨潰散。韋郎羅走安南。驥檄安南

追賊。安南人懼。斬其首。并縛其妻子來獻。○十二月。普花可汗及

也先遣使貢馬。

壬戌七年春二月會試。以禮部右侍郎兼學士王英侍讀學士苗
衷充考試官。取姚夔等一百五十人。

三月廷試。賜劉儼呂原黃諫等進士及第。出身有差。○麓川班師
回京。論功。封蔣貴定西侯。王驥靖遠伯。餘皆陞賞。○命右僉都御
史王翱提督遼東軍務。翱在遼東數年。糧餉充足。器械鮮利。士馬
飽騰。能戰能守。邊境始安。

夏四月。少師工部尚書吳中卒。謚榮襄。中山東武城人。以國子生

授大寧都司。經歷靖難有
功。官至尚書。封在平伯。性貪鄙。其妻甚嚴正。一日迎諸妻拜畢。呼
其子曰。將吳中一軸。請來宣與我聽。問左右曰。此諸辭。是主上自
言。耶。是翰林代草。耶。曰。亦翰林代草耳。嘆曰。翰林先生。果不虛妄。
吳中一篇諸文。止說他平生爲人。何嘗有清廉二字。中間之雖恚
惟彊作笑
容而已。○以禮部侍郎王直爲吏部尚書。

冬十月。太皇太后張氏崩。太皇太后大漸。召內閣諸臣至榻前。問
朝廷尚有何大事。未舉者。楊士奇對曰。

其一。建文君曾臨御四年。當命史官脩其實錄。仍用建文年號。其
二。方孝孺已誅。文皇帝詔收其片言隻字者。論死。乞弛其禁。太后
未答。士奇等
叩頭趨出。○復命蔣貴王驥率師征麓川。緬甸思任發復遁去。
俘其妻子而還。

癸亥。入年夏四月。雷擊奉天殿。鴟吻。詔求直言。侍講劉球以言事
下獄。錦衣衛指揮馬順至獄。斷球頸。流血徧體。屹立不動。○下大
理寺少卿薛瑄獄。除名爲民。初。王振問於楊士奇曰。吾鄉人誰可
大用者。士奇薦瑄。以瑄爲大理少卿。瑄不詣謝。振不悅。會有指揮
某死。妾有色。振姪王山欲娶之。妻持不可。妾因誣告妻毒殺其夫。
都察院鞫問。已誣服。瑄辨其冤。駁還之。振怒。嗾言官劾瑄故出入
人罪。繫獄論死。瑄怡然曰。辨冤獲咎。死何愧焉。至覆奏待決。大臣
申救得免。放歸田里。○追封元儒吳澄爲臨川郡公。從祀孔子廟。

庭。○立皇后錢氏。中軍都督贈安昌伯錢貴之女也。○瓦剌順寧王脫歡卒。子也

先嗣。

秋七月。枷祭酒李時勉於國學門。初改建太學。命王振往視。時勉

不為禮。振怒。因學宮有樹。妨班列。去其旁枝。振指為擅伐官樹。傳

旨枷時勉。諸生皆伏闕。有石大用者。疏請代枷上。併釋之。尋致仕。

時南京祭酒陳敬宗亦不附王振。時號南陳北李。召陝西巡撫陳鑑掌院事。以王文代之。

鑑。吳縣人。在陝十餘年。儲峙糧糗。選厲將士。諸凡水利屯田。悉心籌

畫。曲盡其道。又於甘肅寧夏極邊。脩築臺堡千餘所。雖寇騎突犯。

嘗先事為備。不至喪失。每還朝。陝人必遮道泣送。不忍舍。比至。懽

迎。或走數百里外。久旱。鑑至。必雨。雨久。必霽。人必愛戴之。呼為黑

髯慈父。

冬十月。徙封鄭王於懷慶。○宣德廢后胡氏薨。

甲子九年春正月。新建太學成。上臨視。謁先聖。行釋奠禮。

三月。少師兵部尚書兼華蓋殿大學士楊士奇卒。贈太師。諡文貞。

所著有沙羨稿。右臺稿。文籍志。東里集。諸書。初宣宗好微行。嘗夜

幸士奇宅。士奇諫曰。陛下奈何以宗廟社稷之身。而輕出塵埃。昏

暗中。萬一有識者。變起倉卒。何以備之。上曰。思見卿一言。故來耳。

遂屏左右。語竟而去。後獲二盜。挾弓矢。伏道旁。思作亂。遂誅之。上

謂士奇曰。愛朕莫如卿。賜白金文綺。晚年子

櫻有罪。論死。朝廷猶溫諭慰之。卒年八十。夏四月。以翰林院學士陳循。直文淵閣。與機務。

乙丑十年春二月。會試。以翰林院學士錢習禮。侍講學士馬愉。充

考試官。取商輅等一百五十人。輅。浙江鄉三月。廷試。賜商輅。周弘謨。劉俊等進士。及第出身有差。○浙江台

寧等府久旱。民多疾疫。上遣禮部右侍郎兼侍講學士王英齋。香

帛往祀南鎮。英至紹興府。大雨水深二尺。祭祀之夕。雨止見星。明日又大雨。田野沾足。人皆曰此侍郎雨也。

冬十月。謫監察御史李儼。戍遼東。儼在光祿寺監收祭物。王振過之。儼應對不跪。遂下獄。謫戍。時錦衣衛卒王永為匿名書數太監。王振罪惡揭之。通衢緝事者得之。刑部論以造妖言罪斬。

丙寅十一年春三月。貶巡撫河南山西兵部侍郎于謙為大理寺少卿。仍留任。謙在任十六年。上章舉參政孫原貞。王來自代。忤王振意。降職。罷巡撫。二省之民赴闕懇留。從之。

秋七月。少師禮部尚書兼武英殿大學士楊溥卒。贈太師。謚文定。卒年七十五。文定在內閣時。其子來自石草鋪。言所過州縣官迎送餽遺。惟江陵知縣范理。頗不為意。溥聞而異之。後廉知其賢。即薦知德安府。再擢貴州布政使。或勸理宜致書謝。理曰。宰相為朝廷用人。非私於理。及聞溥卒。乃祭而哭之。以謝知己。按憲章錄。洪

武中罷丞相。分任六卿。所置內閣大學士。秩僅五品。惟備顧問。不與大政。而陞遷屬於吏部。自三楊入閣。以師保尚書。兼大學士。其官尊於六卿。中外皆稱宰相云。三楊者。文貞。公。士奇。為西楊。文敏。公。榮。為東楊。並因居第以稱之。文定。公。溥。郡望。每書南郡。因稱南楊。○士奇。江西泰和人。榮。福建建安人。溥。湖廣石首人。

丁卯十二年春二月。起復于謙。兵部右侍郎。仍理部事。○以都督僉事石亨為左叅將。守萬全。○畿內蝗。遣吏部侍郎魏驥問民疾苦。巡至霸州。見知州張需。境內大治。而捕蝗有法。異之。下其法於諸郡。蝗因之得息。尋有牧馬者擾民。需笞之。領牧者譖於王振。逮之下獄。謫戍邊衛。人皆惜之。

冬十月。處州民葉宗留反。命僉都御史張楷討之。

戊辰十三年春二月。會試。以工部侍郎兼學士高穀。侍講杜寧充考試官。取岳正等一百五十人。○三月。廷試。賜彭時。陳鑑。岳正等。

進士及第出身有差

夏四月福建沙縣民鄧茂七反。僭稱閩王。衆至十餘萬。命都督劉

聚為總兵官。陳榮為副。陳詔劉德新為左右參將。討之。時浙賊葉

宗留猖獗。征閩都督陳詔遇之。與戰。敗沒。命工部尚書石璞都督

徐恭督諸軍討之。○河決滎陽。東過開封城之西南。經陳留自亳

入渦口。又經蒙城。至懷遠界。入於淮。先是十二年七月。河決張秋。

按河決之患。自商已然。漢文帝時。河決酸棗。武帝時。決瓠子。決館

陶。分為屯氏河。東北入海。至元成時。河始決東郡。分流於博州。後

又決平原。決渤海。決信都。皆東北。並青冀之境。以達於海。自東漢

歷魏。晉。隋。唐。及宋初。並鮮河患。宋仁宗至和間。河始決。大名。神宗

熙寧間。始決澶州。曹林。北流斷絕。河道南徙。東入於梁山。樂。分為

二派。一入南清河。達於淮。一合北清河。入於海。黃河入淮。自茲始

矣。舊黃河在開封城北四十里。明洪武二十四年。河決原武。東經

開封城北五里。又南行至項城。經潁州。潁上縣。東至壽州。正陽鎮

入於淮。而故道遂淤。至是決滎陽。過開封城之西南。而城北之新

河。又淤。自是汴城在河之北矣。隋唐以前。河自河。淮自淮。各自入

海。宋中葉以後。河合於淮。以趨海。此古今河道遷徙之大畧也。然

前代河決。惟壞居民田廬。至明而并妨漕運。故治河尤為先務。云

冬十一月。命御史朱英與中官分守浙閩要道。恐二賊交通也。英

擒賊黨周明松等。戮於市。葉宗留遁去。

己巳十四年春正月。閩賊圍延平汀州。朝命寧陽侯陳懋充掛印

總兵官。率保定伯梁瑤。平江伯陳豫。都督范雄。董興。大發兵討之。

復命刑部尚書金濂。參贊軍務。太監曹吉祥監軍。○賊寇建寧。掌

府事左叅政張瑛戰沒。

書仍留任。

三月擢監察御史韓雍為右僉都御史巡撫江西。

雍吳縣人凡所經畫悉極輿情

其後江西官民皆遵守之號為韓都例。

○浙江僉事陶成謁都督徐恭尚書石璞言

師老財費賊乘間出沒請招諭之乃從僕隸四五人徑抵賊巢諭

以禍福賊首葉宗留陳諫胡出降惟陶得二引餘黨遁去

夏四月王驥擒叛苗蟲富檻送京師伏誅尋名驥還○五月湖廣

苗反命右都御史王來保定伯梁瑤率師討之

六月丙辰夜南京宮殿悉燬詔赦天下

按天順日記云自王振專權災異迭見振諱言之時

浙江紹興山移於平地陝西山移有聲叫三日移數里王振起新宅於內府乾方一火而盡南京宮殿焚明日殿基生荆棘一夜高

二尺○前少保大學士致仕黃淮卒謚文簡

秋七月癸惑入南斗○瓦刺也先大舉侵邊塞城堡多陷沒王振

不與大臣議勸上親征百官伏闕上章懇留不聽是月十七日駕

行太監金英輔郝王居守英國公張輔成國公朱勇及列侯諸將

率師以從共五十餘萬人出居庸關至宣府連日風雨邊將井原

等敗報踵至扈從文臣連上章留駕王振大怒皆令掠陣至大同

振進兵益急惟欽天監正彭德清斥振曰象緯示警不可復前若

有疎虞陷乘輿於草莽誰執其咎學士曹鼐曰臣子固不足惜王

上繫天下安危豈可輕進振怒詈之且曰倘有此亦天命也會前

軍駙馬都尉井原西寧侯宋瑛武進伯朱冕全軍覆沒鎮守大同

中官郭敬密言於振謂事勢決不可行振始有還意明日班師大

同副總兵郭登謂駕宜從紫荆關入庶保無虞振不聽○八月師

過鷄鳴山瓦刺兵追至成國公朱勇率兵五萬禦之被殺殆盡兵

鄺呼光
切音荒
楚同野

部尚書鄺楚請車駕疾驅入關而嚴兵爲殿。振怒曰：豎儒安知兵事？是月十四日，駕至土木，日未晡，去懷來城二十里，衆欲入保懷來。王振輜重千餘輛在後，留待之也。先四面合圍，大營不敢動。十五日將午，人馬渴極掘井二丈無水也。先僞遣使持書來請和，上名曹鼐，草勅答之，遣通事與來使偕往。王振傳令急移營南行，旣行未及四里，追兵四至，官軍相蹈藉，死者蔽野塞川，近侍虎賁，矢被體如蝟毛。上乘馬突圍不得出，遂擁以去。英國公張輔尚書鄺楚、王佐學士曹鼐、侍郎丁鉉、副都御史鄧綬等文武官員死者數百人，騾馬二十餘萬匹，及衣甲器械盡爲也。先所得上居知院伯顏帖木兒營，按王師敗於土木，死者凡數十萬人。上乃下馬盤膝，北面南坐。一人來索衣甲，不與，將爲逆。又一人來曰：此非凡人，掖以

見賽刑王。上問曰：子其也先乎？伯顏帖木兒乎？賽刑王乎？大同王乎？賽刑王聞上語，大驚馳見也先，曰：部下獲一人，甚異，得非大明天子乎？也先遣曾使中國一人往驗，曰：是也。也先曰：我嘗祝天，求大元一統，今乃落我手，問衆何以爲計？衆中有乃公者，大言曰：天以賜我，不如殺之。伯顏帖木兒大怒呼也先爲那顏，那顏者猶華言大人也。安用此人在旁開口唾其面目去？大明天子雲端裏坐，不知天上何故推下之。萬衆死亡之中，鏃矢不沾，寸兵不染，吾知天意之有在也。且我等嘗受其賜，九龍蟒袍猶在，安得害之？當報知中國，遣使來迎，豈不萬世美名？衆皆曰：者，然辭也。於是送上居伯顏帖木兒營，伯顏也先之弟也。報至京師，皇太后遣使齎黃金珠玉、袞龍段匹等物，駝以入馬，詣也先營，請還車駕。十八日，皇太

后名集百官命郕王權總萬幾○命立皇長子見深為皇太子年

二歲仍命郕王為輔攝國政○給事中王竑等毆殺錦衣衛指揮

馬順於朝順王振黨也○太監金英傳令旨族誅王振籍其家振居室

凡數處玉盤徑尺者十面珊瑚樹高六七尺金銀十餘庫鬻其姪

錦衣衛指揮王山於市族屬無論少長皆斬之○太后命于謙為兵

部尚書○瓦剌兵擁上至大同索金幣約賂至即歸駕都督郭登

閉門不納上傳旨曰朕與登有姻婭何外朕若是登遣人傳奏曰

臣奉命守城不敢擅自啟閉廣寧伯劉安等出城獻金迎駕既獻

請如約也先笑而不應仍擁上去○擢山西右布政使朱鑑為副

都御史巡撫其地鑑上言竊見王振濁亂天下震驚神器江南寇

發皆以誅振為名夫事歸朝廷則治歸宦官則亂昔太祖與羣臣

議事必屏去左右恐泄事機伏望念祖宗開創之勞將相經營之

苦選智勇託忠義開直諫之路杜權倖之門凡軍國重事委任大

臣必當有濟苟或仍用內侍竊持國柄外寇不至內釁必生欲以

雪恥復讐臣未見其可太后嘉納之

皇太后傳旨命郕王正大位以安國家於是羣臣勸進○命翰林

院脩撰商輅彭時入內閣辦事○廣州盜黃蕭養圍廣州殺都指

揮王清蕭養南海冲鶴堡人貌極陋眇一目而多智數坐強盜繫

郡獄踰年所臥竹皮忽青色漸生竹葉以為祥瑞使人密

藏利斧於飯桶中破脚鎖越獄而出凡十九人其黨艤舟以待遂

入海旬日間聚眾至萬餘人圍郡城制雲梯以呂公車衝城幾為

所破蕭誘愚民從者十餘萬王清自高州引兵赴援至沙角尾舟

膠淺水有小艇載柴及鹽魚者奔逆若避賊狀官軍問黃蕭養所

經言未畢伏兵出柴中擒清盡殲其軍擁清至城下使

諭眾開門降清罵賊而死蕭養既屢勝遂僭號東陽王

九月初六日癸未郕王即皇帝位遙尊上為太上皇帝大赦天下

改明年為景泰元年。○于謙請召募義勇，製造攻戰器具，徙郭外居民於城內，通州倉糧令在任人員悉詣關支，毋自資敵。上皆從之。○令各處招募民壯，就令本地官司率領操練，遇警調用。民壯之名

始○以陳循為戶部尚書，高穀為工部尚書。○命武清伯石亨總此京師兵馬。亨有威望，方面鉅軀，鬚垂至膝，驍勇善戰，先守萬全，坐不救，乘輿繫獄，至是赦出，使立功贖罪。

冬十月也。先以送上皇為名，與其可汗脫脫不花入紫荆關。京師戒嚴，侍講徐埏言天象紫微中宮皆有變，宜及時南遷。廷臣多以為然。于謙厲聲曰：言遷者可斬也。夫京師天下之本，宗廟社稷陵寢在焉，百官萬姓帑藏儲畜在焉，一動足大勢去矣。寇乘勝驕，無足畏，奈何欲蹈靖康覆轍。上是謙言，議始息。於是于謙分遣五城兵馬司悉燒城外倉場草束料豆數百萬計，或言當請於上。謙曰：

寇在目前，若少緩俟，命下適以資寇。使藉此持久，坐困我，非計也。

○也。先至京城北關外，焚長陵獻陵景陵，連日攻城，四散抄掠。石

亨欲歛兵以避其鋒，謙不可，曰：賊氣張矣，我奈何示弱。遂軍德勝

門外，值宣府遼東援兵至，亨與其從子彪大呼突陣，所向披靡。神

機營都督范廣繼以飛鎗火箭殺傷甚衆也。先復擁上皇北去。○

改戶部尚書周忱為工部尚書，仍巡撫南直隸。忱運糧數百萬石，

承造軍器數十萬件，輪次發送京師。○京城解嚴，封楊洪昌平侯，

進封石亨武清侯，加于謙少保，總督軍務。其餘陞賞有差。楊洪起

機變三揚皆愛重之，○時有議留邊將守京師者，兵科給事中葉行伍善

盛上言今日之事，邊關為急，往者馬營獨石不棄，則六師何以陷

土木，紫荆白羊不破，則敵將何以薄都城。即此而觀，邊關不固，則

京城雖守不過僅保九門而已其如陵寢郊壇何其如圻甸生靈何宜急遣固守宣府居庸從之

十一月寧陽侯陳懋尚書金濂等討閩寇進兵沙縣執鄧伯孫誅之解汀漳之圍八閩悉平○命都督董興總諸道兵討廣東賊黃

蕭養以兵部侍郎孟驥贊理軍務命都御史楊信民巡撫廣東○上皇北至小黃河蘇武廟老營伯顏設帳進膳上壽

十二月尊皇太后孫氏爲上聖皇太后尊生母吳氏爲皇太后立妃汪氏爲皇后○追封英國公張輔爲定興王諡忠烈○改刑部

尚書金濂爲戶部尚書加太子太保濂淮安人自永樂以來廉潔著名後卒以軍功追封沐陽伯諡○命尚書石璞鎮守宣府都御史沈固鎮守大同僉都御史

王竑鎮守居庸城昌平

景皇帝

諱祁鈺宣宗第一子初封郕王正統十四年英宗北去郕王奉太后命卽皇帝位在位七年崩葬金山初諡曰戾成化十一年諡曰恭仁康定景白王帝

庚午景泰元年春正月朔上受朝免賀○上皇書至素大臣來迎

命公卿集議廷臣因奏遣官使北上曰有能識太上皇帝者行羣

臣俱謝罪事遂寢○開經筵命太保寧陽侯陳懋知經筵事○都

督汪全恃威颯勢縱家人奪民田御史朱瑛劾奏之詔責全歸其

田於民○瓦剌兵入朔州大同守將郭登以八百騎薄其營斬首

二百餘級追奔四十里奪回人口牛馬軍器以萬計捷聞賜勅褒

美封登定襄伯

二月上以邊圉多事令天下生員納粟上馬者許入監其上選事

例與歲貢同○贈前侍講劉球爲學士諡忠愍按球二子長曰鈺次曰鈺以父死非

明景皇帝卷之六

命家居養母。絕意仕進。及王振馬順死。球被褒卹。刑部侍郎湯寧。巡撫江西。名二子。慰勉之。曰。先公忠義顯白。子可以出而仕矣。乃應舉。舒卽是秋鄉試第一。既而兄弟並登進士。銜仕。至主參政。舒選庶吉士。改御史。仕至雲南按察使。

夏四月。誅喜寧。初。喜寧數教也。先擾邊。且不欲送上皇還。上皇嘗

謂袁彬曰。不誅寧。還京未有期也。寧又忌袁彬。誘彬出營。將殺之。

上皇急救。乃免。及是。上皇遣寧入京。令軍士高磐與俱。密書繫磐。

解間。令至宣府。與總兵等官計擒之。既至宣府。參將楊俊出領書。

磐抱寧大呼。俊縛送京師。誅之也。先失其嚮道。於是亦厭兵矣。○

都督董興等大破廣州賊。擒黃蕭養。誅之餘黨。悉平。封興為海寧

伯。○命保定伯梁寶。右都御史王來。都督方瑛。陳友等。征勦湖廣

貴州等處苗寇。先是永樂間。邊塞來降者。多安置於河間。東昌諸

郡。方也。先入寇之際。皆慮其乘機騷動。至是發兵征湖廣。貴州。及

廣東。廣西。寇盜于謙。請籍其有名號者。厚與賞犒。隨軍進征。事平

遂奏留於彼。於是數十年積患。一旦潛消。○大同參將許貴言也。

先請和。下兵部議。尚書下謙議曰。曩遣都指揮李譯。指揮岳謙。往

使財賂。方入穹廬。而敵騎已至關口。繼遣少卿王榮。通政王復。往

不得定約而還。今日之事。理與勢皆不可和。何者。中國與也。先有

不共戴天之讐。和則背君父而違大義。此理不可和也。也。先貪而

多詐。萬一和議成。則彼有無厭之求。非分之請。從之則不可。違之

則速變。此勢不可和也。若能大脩武備。相機戰守。使彼欲不得逞。

上皇自必還矣。因移文詰責貴。

湯斌曰。已巳之變。社稷危而復安。實于謙之功也。當也。先擁上

皇諭。下大同。守旨登輿。謝曰。賴天地宗廟之靈。國有君矣。嗚呼。

彼方挾上皇為奇貨。多方以勝我。而我漠然應之。示留之無益。於是彼之氣屈。而我奉迎之說得行。謙之謀誠偉矣。不然。和議

一行大勢在彼將帥為所牽制國勢不可復振。鑿輿不可復旋。其不至為南宋也。幾希。

五月處州賊陶得二寇武義縣。浙江按察司副使陶成戰沒。

成廣西

林州人舉鄉試授交趾典史。有馬有守累薦至副使。○兵部尚書于謙奏立京營團練法。揀

選馬步官軍一十五萬。分為十營。各營以都督一員總領。每五千

人以都指揮一員領之。指揮把總。分管有差。常令在營操練。體統

相維。兵將相識。出征就令原管都督統領前去。號令歸一行伍不

亂。自後團營之法皆遵守焉。

六月也先遣其叅政完者脫斡齋文赴京請和。命禮部左侍郎李

實大理寺右少卿羅綺往報之。

秋七月李實等至也先營也。先曰。勅書內止說講和不說接駕。汝

歸奏知務要太監及大臣來迎。因遣其右丞把禿同李實等赴京。

調回擾邊人馬。○時脫斡不花普化可汗也先之亦遣其平章皮

兒馬黑府來議和。命右都御史楊善侍郎趙榮往報。

八月楊善至也先營也。先見善色甚喜。平章昂克問有何禮物來

迎皇帝。善曰。太師仁義敬我君父。故送還。豈為財物也。先曰。都御

史言是昂克言不合理。問皇帝回去如何。善曰。天位已定。斷難更

改也。先曰。堯舜當日如何。善曰。堯讓位於舜。皇帝今日讓位於弟。

其事一也。次日善見上皇於伯顏帖木兒營也。先宰馬設宴。請上

皇至其營餞行也。先自彈琵琶。妻妾奉酒。善等亦侍飲也。先曰。都

御史坐上皇亦命坐。善曰。雖在草野。不敢失君臣禮。先顧謂左

右曰。中國好禮數。伯顏亦餞上皇。及宴使臣。是月初八日上皇駕

起也。先率眾頭目羅拜而別。伯顏送至野狐嶺。慟哭良久始別去。

仍命其部將率五百騎護送至京。既入塞，禮部議迎復儀注未定。上皇先遣使詔諭避位，免百官出迎。是月十六日，始迎於安定門。上皇自東安門入，上迎拜。上皇答拜，相持而哭。各述授受之意，推遜良久。乃送上皇居南宮，羣臣隨至宮，請朝見。勅諭曰：朕以渺躬，辱國喪師，有玷宗廟，何顏見羣臣？所請不允。○大赦天下，宴瓦刺使人，賞賚有差。

辨按永樂六年封馬哈木為順寧王，然猶叛服不常。其子脫歡襲爵，攻滅阿魯台，克復世讐，國富力疆，雄於諸部。宣宗朝，恪供職貢，優詔褒答也。先嗣之不失和好，英宗即位，寵信王振，振欲啟邊釁，以徵軍功，先發兵二十萬討兀良哈，及也先遣使進馬，振故責其人，薄其賞，且殺其使以挑之，致瓦刺入寇大同。振遂誘上親征，擅威懷，諫卒致土木之變。是時英宗年已二十三，而王振手握之，若傀儡然，誠可歎也。幸也先伯顏尚存厚道，使遇劉聰，必為懷愍，遇金主晟，必為徽欽矣。也先與李實曰：我前所遣使人，皆見殺，不還。皇帝在此，我令伯顏帖木兒蚤晚恭敬，倘中國捉住我，肯留至今日乎？是時楊善未奉迎復之旨，而也先

欣然送歸。其初之復擁上皇去者，喜寧教之耳。然則五十餘萬官軍暴屍沙漠，非也先殺之，王振殺之也，亦非王振殺之，英宗殺之也。南城復辟，所痛悼者，惟一王振，追復原官，刻像諭葬，祀於智化寺，賜額曰旌忠，可謂死而無悔矣。又按王師潰於土木時，危及乘輿，有左衛將軍樊忠從上旁，以所持鎚捶殺王振曰：吾為天下誅此賊，遂躍馬突圍，殺數十人而死。嗚呼！其專可與鄭虎臣殺賈似道，王著殺阿合馬，並傳也。

教金莫侯切音謀

巡撫宣府大同都御史羅亨信乞致仕，不許。至是入京陛見，辭益力，免冠叩首。上見其着兜鍪處，顛髮皆盡，乃許之。歸八年卒，年八十一。

冬十月，以王驥為南京兵部尚書，總督機務。宣府總兵官朱謙有軍功，封撫寧伯。○十二月，禮部尚書胡濙請明年正旦百官朝上皇於延安門，荆憲王請朝上皇，皆不許。

辛未二年春二月，命右僉都御史王竑巡撫江淮諸郡。時淮徐大饑，死者相枕藉，山東河南流民踵至，竑不待奏報，大發倉儲賑之。

近者日餉以粥。遠者給米。被鬻者贖歸其家。擇醫四十人。空廩六十區。處流民之病者。死則給以棺。為叢塚葬之。窮晝夜。竭精慮。事窮理。有所委任。出於至誠。人人為盡力。共用米一百六十餘萬石。全活數百萬人。人述其行事。為救荒錄。世傳焉。先是淮徐大饑。上閱疏驚曰。奈何。後得竝奏。大言曰。好御史。不然。饑死我百姓矣。○上諭。午朝。令翰林院官先奏事。○會試。以吏部侍郎兼學士江淵脩撰林文充考試官。取吳滙等三百人。

三月廷試。賜柯潛劉昇王俱等進士及第。出身有差。

秋七月。詔擇顏子孟子後裔一人。並授翰林院世襲五經博士。○吏部文選司郎中李賢上正本十策。曰。勸聖學。顧欲警戒嗜慾絕玩好。慎舉措。崇節儉。畏天變。勉貴近。振士風。結民心。癸入命翰林院繕寫。置諸左右。○浙閩盜平。兵部尚書孫原貞奏立浙省宣平雲和景寧泰順四縣。宣雲景屬處州府。閩省永安壽寧二縣屬延平府。壽寧屬建寧府。○巡撫南直隸工部尚書周忱致仕。忱在任二十二年。乞致仕。後二年卒。

冬十月。以吏部文選司郎中李賢為兵部右侍郎。策。饑民枕藉於道。且死。猶曰。安得周尚書復生。以活我乎。

壬申三年春二月。瓦剌也先遣使來通好。詔絕之。令廷臣共議備

邊之策。兵部侍郎李賢奏用武剛車。可以禦敵。車製長一丈五尺。高六尺五寸。四圍

箱板。內可藏人。下留砲眼。上開小窗。前後左右橫排火鎗。敵若近前。火炮齊發。奇兵繼出。弗能當也。駐營則每車前後占地五步。若用車一千輛。一面二百五十輛。約長四里。欲行則行。欲止則止。謂之有脚之城。糧草輜重。可以悉備。要在操練精熟。用得其法耳。

○學士商輅上言。訪得口外田地極廣。因在京功臣及鎮守總兵參將指揮等官。將附近城堡膏腴田地。占作莊田。軍士無近便田。

地可耕夫且耕且守如漢趙充國諸葛亮晉羊祜皆已行之明效。今日守邊之要莫善於此。若舍屯種之外而欲邊城充實雖傾府庫之財竭生民之力奈軍士數多時久亦難繼矣。

夏四月于謙薦都督同知孫安鎮守獨石馬營等處以都給事中葉盛為山西右叅政仍贊軍務盛與安脩復獨石等八城戍卒不任戰者給牛種墾田邊人賴之。

五月詔立皇子見濟為皇太子立妃杭氏為皇后。太子廢皇后汪

氏居別宮改封皇太子見深為沂王。上皇長子次子見清為榮王見淳

為許王初上欲易儲語太監金英曰七月初二日東宮生日也英

曰東宮生日是十一月初二日上默然蓋上所言者皇長子見濟

英所言者謂上皇長子也與魏徵獻陵之對相似。

秋九月南京兵部尚書王驥致仕。○冬十月命太子太保左都御

史王文入閣叅預機務。

癸酉四年春二月以王翔為吏部尚書翔抑奔競杜請託時稱得

人。○秋七月瓦剌也先弒其主脫脫不花并其部落遣使入貢。○

戶部侍郎張睿國子祭酒劉鉉並母喪奪情吏科都給事中林聰

抗言侍郎六卿之亞祭酒師儒之宗忠孝大節所關請令遵制終

喪大臣身係安危不得已奪情起復亦一時權宜非經世之大典

若一槩奪情遂成故事子道既虧臣節難保且時無金革請循舊

章。○八月增定直省鄉試取士額數。累朝以來漸增取士額順天

六十名江西六十五名河南廣東各五十名湖廣五十五名山東

四川各四十五名陝西山西各四十名廣西三十名雲南二十名

正統三年景泰元年開科不拘額數至是以天下人才彌盛始加

增三十名。廣東四川陝西山西廣西各增二十五名。雲南增十名。○改谷處鎮守侍郎為巡撫都

御史。以侍郎與巡按御史不相統屬也。○命太監阮安往治張秋

決河。卒於道。安交趾人。為人清苦廉介。善謀畫。尤長於工作之事。其營繕北京城池九門兩宮三殿五府六部諸司公

署及治塞垣郵驛皆大著功績。工曹受成而已。平生賜予悉上之官。不留一毫。蓋中官之不易得者。

九月。左都御史陳鑑致仕。

冬十月。以左諭德徐有貞為右僉都御史。治張秋河決。有貞先名

遷之議為太監金英所叱。陳循教之更名無使內臣知之。庶朝○廷忌其議而薦可允也。至是議舉能治水者。廷臣以有貞名上。

召總督兩廣軍務左都御史王翔為吏部尚書。起馬昂代之。

十一月。皇太子見濟卒。○五刺諸部並遣使貢馬。

甲戌五年春正月。積雪恒陰。詔求直言。○二月會試。以兵部左侍

郎兼學士商輅。洗馬李紹。充考試官。取彭華等三百五十八人。

三月。廷試。賜孫賢徐溥徐韜等進士及第。出身有差。

夏四月。南京大理寺少卿廖莊。應詔陳言曰。臣見上皇即位之初。

遣太師英國公張輔。吏部尚書郭璉。冊封皇上。奄有大國。每遇正

旦。冬至令節。令羣臣見皇上於東廡。兄弟友愛如此。今幸上皇迎

歸。伏乞篤親親之恩。於萬幾之暇。朝上皇於南宮。或講明家法。或

商酌治道。仍令羣臣時得朝見。以慰上皇之心。如此則孝弟刑於

國家。恩義通於神明。災可弭而祥可名矣。然所係之重。又不特此。

太子者。天下之本。上皇之子。皇上之猶子也。宜令親近儒臣。誦讀

經書。以待皇嗣之生。使天下臣民。曉然知皇上有公天下之心。蓋

天下者。太祖太宗之天下。仁宗宣宗所繼體守成者也。今皇上撫

而有之。必思所以繫屬天下之心矣。近年日食星變地震山崩。

水溢災異迭見。非止霜雪不時而已。臣以爲弭災名祥之道。莫過於此。疏入不報。

五月。禮部郎中章綸陳脩德弭災十四事。其一請皇上率羣臣朝見上皇於南宮。以敦同氣之情。復汪皇后於中宮。以正天下之母儀。復沂王於儲宮。以定天下之大本。如此則和氣可至。天意可回。災沴可消矣。上覽疏大怒。中夜傳旨。命錦衣衛逮訊。時監察御史鍾同上言。父有天下。固當傳之於子。然太子薨逝。則知天命有在。茲皇儲未建。國本無依。臣竊以爲上皇之子。卽陛下之子。沂王天資厚重。誠可爲宗廟社稷託。伏望擴天地之量。敦友于之仁。擇日行禮。復其儲位。用延祖宗無疆之休。上覽疏不懌。數日。並綸下獄。○名大理寺卿薛瑄於南京。太監金英奉使道經應天。公卿皆餞

於江上。瑄獨不往。英賢之。至京言於朝曰。南京好官。惟薛卿耳。尋被召命。○勅儒臣纂脩宋元史書。倣朱文公凡例。上接資治通鑑。共爲一書。

乙亥六年春。總督兩廣都御史馬昂征廣東瀧水徭賊。破之。

夏六月。以宋儒朱熹裔孫朱挺爲翰林院世襲五經博士。

秋八月。杖南京大理寺少卿廖莊。前郎中章綸。御史鍾同於午門。莊以母喪至京。關給勘合。陛見。命錦衣衛拏在午門前。着實杖八十。謫陝西定羌驛驛丞。并提章綸鍾同各杖一百。同死杖下。綸仍錮獄。

丙子七年夏五月。于謙以病在告。上遣太監典安舒良視之。謙持身嚴。一毫不苟取。正室董氏卒。謙時年未五十。不再娶。以王事多

艱窮年不還私第。居止朝房。留一養子自侍。食無重味。非公宴不置酒。至是以病告。興安舒良奉旨。更番來視。見謙自奉過儉。相與歎息。因以聞。上計所費用。一切為之置辦。輟尚膳醯醬蔬菜。以賜駕幸萬歲山。伐竹為瀝。以和藥丸。言官有言謙柄用過重者。興安言只說日夜與國家分憂。不要錢。不愛官爵。不問家計。朝廷正要。用此等人。可尋一個來換于謙。眾皆默然。先是也。先既屢侵京師。出陝西。又浙江葉宗留。福建鄧茂七。廣東黃蕭養。各擁眾僭號。南蠻西番各乘間蠢動。命將出師。事在俄頃。謙內固京城。外籌邊鎮。條畫悉中機宜。僚吏受成。相顧駭服。雖宿將勲臣。小不中臣律。即請旨詰責。片紙行萬里外。無不惴惴効力。上推誠倚任。而口不言功。深自歛飭。上嘗賜第闕西。謙曰。國家多難。何以家為。取前後所賜璽書袍。鎧冠帶弓劍之屬。悉加封識。歲時一謹視而已。

順天河間二府民饑。命刑部右侍郎周瑄往賑之。瑄奏乞裁省冗官。停徵糧草。免追舊欠。驟馬牛羊。暫罷供應柴炭夫役。聽民採取。

皇莊湖汨之利。招商中鹽納糧。損其斗數。借水次官倉之粟濟民。七事上皆從之。

以宋儒周敦頤。裔孫冕為翰林院世襲博士。

秋八月。順天鄉試。以右春坊大學士劉儼。侍講學士呂原。充考試官。內閣陳循。子陳瑛。內閣王文子王倫。俱不中式。循等論奏閱卷不公。且摘策題中有無正統等語。以激怒上。請如洪武間劉三吾等例。重開科考試。上令翰林院覆閱取中試卷。高穀懼儼等禍。且不可。蚤朝奏事畢。出班跪稱少保臣高穀。有事聞。上召至前。穀自其情。且曰。大臣子與寒士並進。已不可。况又不安於命。欲構考官。可乎。由是儼等俱釋。而特旨賜陳瑛。王倫為舉人。許赴會試。禮科給事中張寧。劾奏陳循。王文私其子。失大臣體。不當居內閣。乞罷。

黜不報。

丁丑天順元年春正月十七日壬午上皇復位。詔改景泰八年爲天順元年。大赦天下。正月景帝不豫。儲嗣未定。內閣王文與內監王誠謀欲取襄王世子立爲東宮。其事漸洩。景帝疾甚。太監興安諷羣臣請復立舊東宮。衆曰。上皇子固宜復立。王文曰。安知朝廷之意在誰。李賢因會議問學士蕭鎡。鎡曰。旣退矣。不可再也。羣臣乃請早擇元良以安人心。奏上有旨不允。且云待是月十七日視朝。惟武清侯石亨知上疾必不起。乃與都督張軓張輓左都御史楊善右副都御史徐有貞太監曹吉祥蔣冕謀迎上皇復位。遂揚言敵騎且薄都城。又言王文于謙取金牌勅符迎襄王世子去矣。吉祥入曰。太皇太后有旨。皇帝疾大漸。殆弗興。天位最重。上皇居

南內。於今八年。聖德無虧。天意有在。以奸臣擅謀。闕而不聞。欲迎立藩王。以承大統。將不利於國家。亨等其率兵以迎。吉祥卽收諸門鑰。夜四鼓開長安門。軓輓亨有貞等納兵近千人。宿衛官軍驚愕。不知所爲。有出入者。兵卽呵止之。時天色晦冥。軓等惶惑。問有貞曰。事當濟否。有貞大言曰。時至矣。遂薄南宮城。毀垣壞門而入。上皇出問曰。爾等何爲。亨等俯伏奏請陛下登位。遂共掖升輿。有貞等前導。忽天色開朗。上皇顧問卿等爲誰。各以姓名對。遂御奉天殿。先是文武羣臣期以是日並入。候景帝出視朝奏事。忽聞傳呼震地。羣臣失色。須臾鐘鼓鳴。上皇卽位矣。羣臣入賀。○逮少保于謙王文都督范廣太監王誠舒良王勤張永等下獄。以石亨徐有貞言其逆立外藩也。○命徐有貞以本官兼翰林院學士直文

淵閣典機務。次日陞兵部尚書兼職如故。○逮內閣學士陳循蕭
鎡商輅尚書俞士悅江淵侍郎項文曜王偉古鏞丁澄沈敬等下
獄。○出前禮部郎中章綸於獄擢為禮部右侍郎。○擢太常寺卿

許彬為禮部左侍郎大理寺卿薛瑄兼翰林院學士入內閣辦事。

○論迎復功封武清侯石亨為忠國公都督張軹為太平侯張軹

為文安伯。軹輒英國公張輔之弟軹尋更名賜楊善為興濟侯並世襲。○論隨駕功

擢鎮撫哈銘百戶袁彬為錦衣衛指揮僉事。○是月二十二日斬

于謙王文范廣及太監王誠等於市。陳循江淵俞士悅項文曜免

死充軍。蕭鎡商輅王偉原籍為民。時都御史蕭維禎所構獄辭皆

承石亨徐有貞風旨謂于謙王文等欲背主立外藩依謀反者律

凌遲處死。陳循項文曜等知于謙等謀反依故縱者律斬。上得奏

猶豫良久曰于謙有功眾未及對徐有貞直前曰不殺于謙今日

之事為無名上意乃決於是殺謝等籍其家。○奪郭登定襄伯以

為南京都督僉事。初也先難上至大

少保高穀吏部尚書王直禮部尚書胡濙並致仕。穀歸田杜門不

正統景泰天順間事者概不應官至台鼎家業蕭然敏廬濟田僅

足衣食其剛方廉介有古大臣之風。直氣宇宏偉性嚴重寡言

竟居第儼然及接人和氣可掬既秉銓衡留意人才絕干請抑奔

寡慾與居有常求嘗疾言遽色人皆知其為長

者致仕去遣子長寧入謝授錦衣衛世襲百戶

二月朔詔廢景帝仍為郕王歸西內皇太后吳氏仍為宣廟賢妃

廢后汪氏仍為郕王妃。景泰年號。郕王薨葬祭如親王禮。諡曰

戾妃。嬪唐氏等賜紅帛自盡以殉葬。是月初九

月紀全載

明英宗卷之六

視也先伯顏早晚恭敬灑泣送別者迥異於是廖莊遠謫鍾同
死杖下章綸錮獄抑何忍也然原其意不過欲保天位以傳子
孫耳至給事中徐正密請增高南城伐樹灌鎖以備非常則怒
而遣戍之英憲二廟卒得保全其歸西內而善終復帝號而入
廟有以也

贈故御史鍾同大理寺丞官其子啟為知縣召前南京大理寺卿

謫陝西驛丞廖莊還復其官尋陞南京禮部侍郎○出左都御史蕭維禎於

南京召南京副都御史軒輓為刑部尚書巡撫陝西副都御史耿

九疇為右都御史掌院事二人皆廉介苦節之士操履素定天下

信之故復位之初首名用焉輓河南鹿邑人初登進士差往淮上

持一帛被自裹有司為送衣一襲却之及為監察御史陞浙江按察使俸資之外一毫不取四時著一青布袍破則補之蔬食不厭

與同僚約三日以米易肉一斤眾不能堪聞親喪次日遂行僚屬有未及知者○九疇河南盧氏人初為兩淮鹽運使廉名大著嘗

坐水旁一童子曰水之清不如使君之清

是月會試以內閣學士薛瑄通政司叅議兼侍講呂原充考試官

取夏績等三百人○三月廷試賜黎淳徐瓊陳秉中等進士及第

出身有差○封徐有貞武功伯兼華蓋殿大學士○械前給事中

謫戍鐵嶺衛徐正至京磔於市正在景泰中嘗因離間被謫械至京引見時悸甚糞溺皆青人謂其

驚破○逮巡撫大同副都御史年富下獄時富為石亨姪叅將石

彪所誣逮至京上問李賢曰此人何如賢對曰行事公道能革宿

弊上曰此必石彪憚富不得遂其私耳遣官體勘無實狀富遂致

仕歸○吏部尚書王翱以年老乞致仕李賢言於上曰翱廉謹老

成雖老精力未衰吏部非此人不可乃留之翱自此眷遇加隆官

其子竝為錦衣衛千戶○命景泰汪妃出居舊王府先是郕王薨

上欲令汪妃殉葬李賢奏曰汪妃雖立為后即遭幽廢幸與兩女

月已全茂
明英宗卷之六
后

度日若令隨去。情所不堪。况幼女無依。尤可憐憫。上惻然曰。卿言是朕以弟婦年少。不宜存內。初不計其母子之命也。按汪姬中兵女也。甚賢。景泰欲易儲。姬堅執以為不可。遂遭廢。憲宗在東宮。意極感之。所以禮之甚恭。姬與皇太后及錢皇后尤相得。既而上以姬居宮中不便。乃遷之外王府。東宮護持。令罄其宮中所有。悉得自隨。至正德元年。薨。合葬金山。二年。論曰。貞惠安和景皇后。

夏四月。復立元子為皇太子。○襄王瞻墉來朝。先是土木之變。王兩上疏。慰安皇太后。乞命皇太子居攝天位。急發府廩。募勇敢之士。務圖迎復。仍乞訓諭郕王。盡心輔政。章上時。景泰已立八日矣。至是。上得疏於宮中。覽之感歎。手勅取王入朝。禮待甚隆。上問王所過官吏賢否。時按察使王槩以被誣下獄。王避席對曰。臣過汴。汴父老遮道為臣言。王廉使冤。乞奏上。還我王廉使。如是者不絕。願裁察。上立命雪槩。王辭歸。上送至午門。王伏地不起。上曰。叔父

欲何言。王頓首曰。萬方望治。如饑渴。願皇上省刑薄斂。為天下自愛。上拱手謝曰。敬受教。

黃喻曰。天順初。王文于謙以迎立襄王世子。被誅。及襄王來朝。上禮待甚隆。其後世子祁鐸得嗣王位。始終親睦。則無迎立世子之謀。可知矣。

五月。都御史耿九疇。羅綺。內閣徐有貞。李賢皆下獄。是時石亨。曹吉祥恃功恣橫。御史楊瑄劾奏之。亨疑有貞與賢主使。遂與吉祥泣訴上前。上怒。盡收十三道御史。亨又言。都御史諷使為此。并收九疇及綺。又下有貞賢於獄。是日晚。雷電大作。雨雹如注。大風拔木。吉祥之門。老樹皆折。亨宅水深數尺。京師震恐。翼日即赦出。有貞等降。有貞賢參政。九疇布政使。綺亦參政。御史盛顥等調知縣。御史楊瑄。張鵬謫戍遼東。鐵嶺衛。○內閣學士薛瑄致仕。瑄見曹

石恣橫日甚。歎曰：君子見幾而作。豈俟終日遂引疾歸。

六月上，欲命脩撰岳正入閣典機務。王翱亦薦之。石亨張軌阻之，曰：陛下欲用正亦甚易，但姑試之，果稱職未晚也。上默然。

秋七月六日，承天門災，詔赦天下。○復下徐有貞獄，發金齒為民。

○降脩撰岳正為欽州同知。正數為上言，石亨曹吉祥勢大，恐為

變。上曰：汝可以朕意告之。正詣亨，諷令稍自斂戢。亨造飛語誣正。

謗訕朝廷，內批降遠州。○進李賢吏部尚書兼學士，入內閣辦事。

○復逮岳正，謫戍肅州。上嘗謂左右曰：岳正好，只是大膽，時正已

只是大膽，惟帝念哉，必當有感，如或赦汝，再敢不敢。臣嘗聞古人之言，蓋將之死而靡悔也。

九月，勅左順門閤者，今後非有宣召，總兵等官不許擅進。時石亨

輩每日進見，上頗厭之。

冬十月，遣行人曹隆齎勅書金幣，聘江西處士吳與弼。與弼至京

殿從容顧問，授為左諭德。以老疾固辭。上曰：宮僚優閒，不必辭。命

太監牛玉送至館，賜文綺羊酒柴米。上謂李賢曰：此老非迂濶者，

務令就職，與弼終不就。賢往問之，與弼曰：勅書聘以伊傅之禮，今

授宮僚，故不授。賢曰：如此，亦固執矣。朝廷待先生非輕，今必欲如

傅說，爰上作相，亦難。且就宮僚，若果有建明，則大任以漸而至，與

弼不從，遂稱病。賢為之言之於上，上曰：果如此，亦難留也。復召上，

華殿賜勅褒嘉，贈以金幣，曰：毋忘著述，以繼前賢。命有司月給米

二石以資供膳，仍命行人王惟善送歸。於是與弼感激無以報稱，

條陳十事，上之。復上表謝恩而去。初，陳建曰：與弼跋石亨族譜，自稱門下士，以春宮諭德謂小而不

屑為，顧感權奸之一薦，亦恃矣。論與弼學術與文集諸作，及疏

陳十事皆枯淺寂寞，草率粗畧，無所發明。至於日錄所記每多

視且曰景泰間任于謙久且專沒無餘物汝言未幾何受賄如是之多也時上怒甚色變石亨等皆俛首自是上漸悟謙冤初謙之死皇太后不知後始知之乃為上備言于謙匡濟之功迎立外藩之誣日久事定上察迎立事無實跡每詰石亨張軏曹吉祥等皆曰臣亦不知乃徐有貞向臣等言於是上深惡亨輩有貞遂發金齒為民○太平侯張賜卒賜先名軏景泰初自貴州征苗名還十謙劾其失機負罪不可用景帝宥之自是與亨輩奪門復辟首謀殺謙又以謙信任都督范廣誣其同為叛逆并殺之廣既死賜一日遇諸途為拱揖狀僕從問之曰范廣過耳歸即○遣中官送先師孔子及四配鍍金銅像供於文淵閣

癸亥病死

戊寅二年春正月皇太子出閣讀書○遣建庶人出居鳳陽庶人建文君幼子也入禁大內時方二歲至是年五十六矣出禁不識牛馬未幾庶人卒懿文太子建文君遂無後

夏四月復設各邊巡撫先是石亨等以文臣提督各邊軍務武臣不得自逞遂請罷之至是邊境騷然上與李賢謀復設焉

己卯三年春正月定遠侯石彪有罪下獄死彪驍勇頗立戰功景泰中陞都督天順初以石亨姪封侯彪性凶暴貪狡包藏禍心謀

鎮大同託人保奏言官劾之逮繫詔獄論死○禁朝臣交通近侍冬十月忠國公石亨謀反下獄死時亨貪恣日甚勢焰薰灼門

下有瞽目指揮童先手出妖書曰惟有石人不動謂天意有在勸亨舉事亨信之與其黨盧旺彥敬杜清謀曰大同人馬甲天下我

撫之素厚今一彪在彼克游擊將軍異日命彪代李文掛鎮朔將軍印北塞紫荆關東據臨清以絕餉道則京城可不戰而破遂議

盧旺守裏河一帶是年春延綏有警命亨率師禦之童先勸亨力

舉前謀。亨曰：爲此事不難。天下各處都司除代未週，待週爲之。未晚，亨出師無功而還。石彪事發，罪連亨。上罷其兵權，未幾謀泄，逮亨下獄，死獄中。其黨皆論死。李賢曰：當時若以石彪鎮大同，誠爲可危。在京武官多在亨門下，而亨又握兵權，天下精兵無如大同，稍有變動，內外相應，其禍可勝言哉。今辨之於早，除此大害，非朝廷剛明果斷，不能如此。上一日與李賢言及迎駕奪門之功，賢對曰：迎駕則可，奪門二字豈可示後？景泰不諱，陛下宜復位，天命人心無有不順。文武羣臣誰不願請，何必奪門？且內府之門豈可奪？奪之一字尤爲非順。幸賴陛下洪福，得成其事，使景泰左右先知之，亨輩何足惜。不審置陛下於何地？上曰：然。彼時何以自解？此輩非爲社稷計，不過貪圖富貴而已。

庚辰四年春正月，召巡撫山東副都御史年富爲戶部尚書。李賢薦之也。○二月，令冒報迎駕功陞官者許自首改正。時法司奏石亨等冒功陞官者俱合查究。上名問李賢曰：此事恐驚動人心，賢對曰：不若令其自首免罪。上曰：然。遂行之。於是冒功陞職者四千餘人皆自首改正。○諸王出閣讀書，皇嗣六長皇太子次德王次秀王。後絕次崇王次吉王次徽王。○會試以學士呂原尚寶少卿兼脩撰柯潛充考試官，取陳選等一百五十人。

三月廷試，賜王一夔、李永通、王環等進士及第，出身有差。是軒輓爲左都御史，總理南京糧儲。石亨誅，上念輓嚴正不易得，故復名用。○起耿九疇爲南京刑部尚書。

夏五月，靖遠伯王驥卒，年八十三，贈侯，諡忠毅。驥東鹿人。秋八月，亨來大舉入寇，直抵鴈門關，代朔忻州，囚散搶掠。李賢奏

請出京師軍於紫荆。倒馬二關駐劄。非欲與之對敵。一則安撫人
民。二則使彼不敢深入。上從之。命都督顏彪領兵赴紫荆關。馮宗
領兵赴倒馬關。復勅二關之兵俱赴鴈門。李來引去。

冬十月。命右僉都御史韓雍巡撫大同。

十一月。召巡撫南直隸右副都御史崔恭為吏部右侍郎。南畿巡
撫自周忱之後。恭為特著云。○上御文華殿。與李賢王翱論人才
高下。因曰。徐有貞才學亦難得。當時有何大罪。只是石亨張軌輩
害之。寧免後世議論。可令原籍為民。

辛巳五年秋七月。太監曹吉祥謀作亂。事發伏誅。吉祥恃功驕恣。
上稍裁抑之。遂懷異圖。其從子曹欽冒功封昭武伯。凶暴殺人。為
御史所劾。上原之。而下詔戒諭勲舊之臣。欽懼與吉祥謀欲幽上

於南宮。立皇太子。時懷寧伯孫鏜兵部尚書馬昂統兵往甘涼。將
辭朝。吉祥令欽約其兄曹鐸從兄都督曹鐸弟都指揮曹鉉番官
伯顏等乘機殺孫鏜馬昂。就擁兵入宮為亂。吉祥為內應。是月初
二日。鏜等陛辭。初一日晚。恭順侯吳瑾及都指揮完者禿亮知其
謀。詣長安門告變。上聞之。命侍直中官執吉祥以俟。夜四鼓。欽率
番漢兵五百騎直抵長安門。殺錦衣衛指揮遂杲。都御史寇深。擊
傷大學士李賢。執之。并執王翱於東朝房。時禁門不開。欽黨縱火
燒東西皇城門。及東華門。比曉。王師始集。會昌侯孫繼宗將之。孫
鏜督諸軍前進。馬昂殿後。吳瑾及諸將分道迎擊。擒曹鐸。斬之。吳
瑾為曹欽所殺。曹鉉突陣。孫鏜斬鉉及鐸。於是曹欽走還家。官軍
圍之。無少長皆死。伯顏縋城遁。追獲之。詔下吉祥等於御史獄。盡

伏誅籍欽等家。以賞將士。餘黨並流嶺南。時京師有賀三老者。欽之妻父也。見欽聲勢赫

奕絕不與往來。欽欲為求官。力辭不。可。及欽敗。親戚誅竄殆盡。一老獨免。○追封恭順侯吳瑾。栗國

公謚忠莊。贈都御史寇深。少保謚忠愍。加會昌侯孫繼宗。太保。進

封懷寧伯。孫鏗為懷寧侯。進完者禿亮為都督。其餘陞賞有差。○

以大理寺卿李賓為右都御史。○擢吏部驗封司郎中萬祺為太

常寺卿。祺。江西南昌人。少遇異人相之。曰。有仙骨。否則極貴。因與

貴戚神其術。考授鴻臚寺序班。陞主簿。景帝召見。有言輒驗。賜白金文綺。景帝不豫。有議召襄世子者。石亨以問祺。祺曰。皇帝在南

宮。奚事他求。其占復辟日時。與全寅合。大順初。召見文華殿。即日授驗封司主事。累進員外郎。郎中。曹欽叛。執王翱。李賢。時祺在旁。

欽問之。祺曰。公勿負國家。又為朝賢請免。欽俛首。其兄鐸曰。萬君言是乃出二人。上聞而嘉之。召祺。賜宴勞。後官至尚書。○按全寅

山西安邑人。少警學。京房易占斷。多奇中。各聞四方。正統間。客遊大同。上皇在北。遣使命鎮守。太監裴當問寅。寅筮得乾之初九。附

奏曰。大吉。龍君相也。四初之應也。龍潛躍必以秋。應以庚午。淡歲而更龍。變化之物也。庚者。庚也。庚午中秋。車駕其還。乎還則必幽

勿用。故也。或躍應焉。或之者。疑之也。後七八年。必復位。午。火德之

正也。丁者。壬之合也。其歲丁丑。月壬寅。日壬午。乎。自今歲數更九

躍則必飛。九者。乾之用也。南面。子衝午也。故曰大吉。上皇復位。授寅錦衣衛百戶。

冬十月。阿羅入河套。寇延綏。河套地肥饒。可耕桑。切近陝西榆林

堡。東至山西偏頭關。西至寧夏鎮。東西幾二千里。南至邊牆。北至

黃河。即周之朔方。秦蒙恬所取。河南地。漢之定襄郡。赫連勃勃趙

元昊所據。以為國者也。唐三受降城在河套北。黃河之外。元東勝

州在受降城之東。明初。殘元諸部落居漠北。延綏無事。正統以後

漸失其險。始渡河犯邊。然猶不敢深入。至是阿羅掠邊人為嚮導。

因知河套所在。出沒不常。遂為邊境之害。

壬午六年春二月。復設提學。○秋九月四日。皇太后孫氏崩。上尊

謚曰孝恭章皇后。○太傅吏部尚書致仕王真卒。贈太保。謚文端。

卒年入。○以項忠為右副都御史。巡撫陝西。忠先為陝西按察使。民饑不待奏報。輒發倉賑之。聞繼母喪。軍民詣闕乞留。詔奪服視事。徵為大理寺卿。軍民復赴闕借留。上欲慰陝人。故有是命。

癸未七年春。一。○是月晦夜。空中有聲。李賢奏曰。

上不恤下。厥有。○惟便民可以弭災。因請罷江南織造。清錦衣

衛獄。止邊臣貢物。停內外採買。上未能盡行。賢執爭數四。同列皆

寒慄。賢退曰。大臣知無不言。豈可卷舌偷位耶。○以姚夔為禮部

尚書。

追謚宣德廢后胡氏為恭讓章皇后。孫太后崩。錢皇后為上言。胡

也。人畏太后。歛葬皆不如禮。勸上復其位號。上從之。

秋八月。命禮部補會試。以太常寺少卿兼學士彭時侍讀學士錢

溥充考試官。取吳鉞等二百五十人。○少師禮部尚書致仕胡濙

卒。贈太保。謚忠安。卒年八十九。○擢山東按察使王鉞為右副都御史。

巡撫大同。李賢薦之也。

冬十二月。以王槩為大理寺卿。○京師耆民茹文中。卒年一百十

歲。文中無錫人。永樂初。隨其父徙居於燕。性坦易。志慷慨。不求仕

進。日究心書史。而遠於勢利。天順元年。年百有四歲。上召見問

爾。歷幾朝。對曰。歷七朝矣。賴聖天子。恭己垂裳。小民得享和平之

福。上喜。命順天府設宴。仍賜酒米。命吏部尚書姚夔以下造其家

致賀。至是卒。甲申八年春正月。上不豫。諭處後事。命太監牛玉執筆書之一曰。

東宮即位。百日成婚。二曰。定后如名。分三曰。勿以嬪妃殉葬。四曰。

殯斂器服從舊。書畢。命玉持付閣臣潤色。李賢與陳文彭時捧讀。

驚愴歎曰。所言皆關大體。而止殉葬一事。尤為盛德。是月十七日。

庚午上崩年三十八歲乙亥皇太子卽皇帝位○尊皇后錢氏爲慈懿皇太后生母貴妃周氏爲皇太后時周貴妃傳旨錢后無子不得稱太后宣德自有例彭時曰胡后上表讓位退居別院故上統初不加尊號今日名分固在若推大孝之心宜兩宮同尊得允所請李賢復議曰正宮宜加二字不然無分別因定尊號稱皇后錢氏爲慈懿皇太后貴妃周氏爲皇太后○上大行皇帝謚曰法天立道仁明誠敬昭文憲武至德廣孝睿皇帝廟號英宗葬裕陵○錦衣衛都指揮門達有罪下獄謫戍南丹衛名袁彬還先是英宗時門達有寵總督官校緝事兼鎮撫問刑權傾中外恣橫羅織人不敢言忌袁彬質直不阿計惟袁彬李賢二人能於上前言事欲排去之使邏卒拏撼彬數十事以聞上欲法行不以彬沮諭達曰從爾拏問彬下獄拷掠論死有採漆軍匠楊暄者憤然爲之不平上疏論救言昔者駕留北庭彬以一校尉保護聖躬備嘗艱苦今卒然付獄乞於御前審錄則死無憾并陳達不法二十餘事擊登聞鼓以進上令達逮問達偪暄令供李賢主使暄佯應曰此實李閣老教我爲之但我在此說出無人證見不若請法司庭鞫我對衆言之彼亦無辭達遂以聞上命中官會同法司訊於午門暄大言曰死則我死何敢妄指他人鬼神昭鑒此實達指揮教我指扳也達失色計沮彬得從輕調南京事旣白李賢上疏乞休以知足不辱知止不恥爲言上不允且慰之曰此細故何足介意及上初立言官劾達欺罔故殺諸大罪始繫獄彬自南京名還復職適達遣戍南丹彬餞達送出城如禮時以爲難

三月廷試賜彭教陸欽羅璟等進士及第出身有差。○復前脩撰岳正御史楊瑄張鵬等官。○加李賢少保兼華蓋殿大學士陳文東部左侍郎彭時吏部右侍郎。

夏五月戶部尚書年富卒諡恭定。富鳳陽懷遠人氣節才識爲時推重。○時宦官用

事南京給事中王淵王徽率同官上言五事。一曰覽史書。二曰開言路。三曰重大臣。四曰選良將。五曰保全內臣。其言保全內臣之事曰。如王振曹吉祥事敗。雖欲保全不可得也。近有無恥大臣結交內臣。或行叩頭之禮。或有翁父之稱。因而鬻獄賣官。擅作威福。今後內官不許管軍管匠。置立田宅。其家人義子。悉究其來歷。發回原籍當差。仍嚴結交之禁。凡大小政事。斷自宸衷。惟與館閣大臣計議。則天下睹清明之政。而宦寺亦享悠久之福矣。

改兵部尚書馬昂爲戶部尚書。以王竑爲兵部尚書。○復定襄伯

郭登爵鎮守甘肅。尋召還。授督京營。○六月禮部左侍郎兼翰林

院學士致仕薛瑄卒。贈禮部尚書諡文清。廷議從祀文廟。

秋七月立皇后吳氏。○八月開經筵。

九月廢皇后吳氏。詔曰。先帝臨御之日。爲朕簡求賢淑。已定王氏育於別宮。以待期。不意內臣牛玉朦朧奏請。將已退吳氏冊立。位不稱德。不得已。請命母后廢黜吳氏。明正牛玉之罪。免死。謫居南京。○南京六科給事中王淵等上疏。以牛玉罪重。罰輕。乞寘諸法。因斥內閣李賢阿附權豎籠絡士夫。中藏奸計。外務掩飾。奏入。逮下獄。俱謫遠州判官。

冬十月冊立皇后王氏。中軍都督王鎮之女也。○命左僉都御史葉盛巡撫

宣府盛至鎮。脩復官牛官田之法。墾田日多。以餘糧易補戰馬一千八百餘匹。其屯堡廢缺者。脩築之不數月。完七百餘所。○時有內直將軍。愬天順初。因入直。迎駕而陞。非冒功者。今一切褫職。非法意。上念其久於役。特復之。於是。以迎駕奪門陞者。紛紛入訴。李賢言於上口。自石亨輩。此舉之後。人以為富貴易得。惟幸有事宜早治之。且請復于謙等官。以雪幽枉。即命兵部查迎上奪門陞者。自太平侯李瑾。典濟伯楊宗。以下。俱奪爵。訴者始息。○以順義縣原抄沒太監曹言祥地三十五頃。撥為宮中莊田。皇莊之立。始於此。○擢真定府東鹿縣知縣盛顯為邵武府知府。顯無錫人。初為權不法事。謫知東鹿縣。豪右聞其來。相戒曰。是嘗劾石總兵者。其人不可犯也。顯至。變搏擊為拊循。吏畏而民安之。郊外有荒地。遂聚以成市。人因目為清官。店隱知邵武府。

十二月。命平羌將軍定西侯蔣琬鎮守甘肅。

